

T 5241 .28/399

HARVARD COLLEGE LIBRARY

FROM THE


HARVARD - YENCHING

INSTITUTE

JAN 5 1932

2

~~CHL 5237.8/399~~



江左十五子詩選卷四目次

商丘宋 犖牧仲選

毗陵邵長蘅  
手評  
一校  
商丘宋韋金經一校

徐昂發

寓襄十一首 選八

江邊曉望

渡江三首

揚州四首 選三

過高郵作

阻風

風不止

淮陰侯釣臺

漂母墓二首 選一

奉題中允公耘圃四首次錢飲光先生韻

述學校五十八韻

湖鄉雜興

黃梅二首次俞旅農韻

選一

秋日邨居

王烈婦有序

雜題舍弟穉均山水畫卷六首

選三

城南三首次宋五嘉升韻

題吳超士春渚獨坐圖歌

觀陽山雲泉菴大石追次吳原博史明古

聯句四十一韻 過大慈寺

偕大慈補公遊岳園

自岳園過西白龍寺遇雨

龍母祠

晉柏

過平望追次范石湖韻

村社

觀打魚戲為鷓鴣歌

偶興

旱

租牛行

向夕

夢中作

過白坊村居訪奚大蒙先生

梨花下偶題

題支硎法螺菴

次韻答日容秋夕醉歌

櫻桃三首 選一

虞美人花三首 選一

黔中詠 有序

莊豪

唐蒙

濟火

聖婆

奢香

葛鏡

竹王

尹珍

關索

黑神

張猷

韋番

泊舟虞山下曉起

興福寺

頂山廟

遊仙曲題仇英畫卷

競渡詞十首 有序

赤鷹

颶母謠

題蘆雁畫幀二首 選

讀陳仲天啟宮詞四首

首冬同戴大田有汪大武曹汪二右衛顧

四有常張三日容顧大虞珮吳二荆山

集顧十一俠君秀埜草堂醉後有作六

首 選四 泛塊壘湖作

題秋湖放櫂圖贈田有別

江左十五子詩選卷四目次

江左十五子詩選卷四

徐昂發

大臨長洲人著  
有乙未亭詩

寓襄十一首

選八

鬱林產香草花葉耀莫春采采將遺誰后王嚴郊  
禋守臣負筐篚拜手天階陳梧杵勤春揄黑秬調  
芳辛虎彘藉玉舟報魄在所珍豈非草木華可以  
交明神遇合苟無媒桑七何由親裴徊蕭瀨間用  
敢告鬯人

水澤散魚子么膺不足治變作介蟲孽築翅羣遊  
嬉秋露旣以降秋苗何離披農家甌羶香轉盼玉

粒炊食心螟潛引食葉騰復孽葉壞尚堪護心蝨  
誰能持宿夕頓枯萎束藁供牛齧悲哉么膺物萬  
夫受其飢

青蘋產土中白蘋產水面產水願水深柔莖布如  
綫產土戀土膏碧葉光欲眩類同根塏殊相望莫  
相羨一懷翦伐憂一抱漂汨患漂汨會作泥翦伐  
那免爨憂患雖自防位置終難變付與夙已定達  
節奚歆援

山麝愛其香山獠愛其尾奈何惡少年憑高縱毒  
矢尾以錯錦繡香以和蘭芷貪夫方走利獠麝焉

逃死剔香香臍裂齧尾尾血紫無用乃福先多才  
固禍始鄉有白額牛家有亢鼻豕巫祝棄不收茲  
焉辨天咫

豪鷹方搏擊神王氣雄武碧眼橫清秋鋒稜插勁  
羽查查羣鴉噪飲啄正翔舞赤絛解錦鞬脫若箭  
離弩慘壑迴颼吹悲臺斜日吐震威憑攫網雨血  
灑林莽天鳥呼叢祠鴉死終無補

孤松生中庭鬱鬱三丈強但守礪砢節碧葉冬不  
黃人言此瑞應梧桐來鳳凰鳳凰渺何處歲莫摧  
嚴霜迴風掣霹歷根拔猝仆僵雖含雲門曲作屋

非棟梁

京雒多豪家甲第排空起結構曾幾時梁柱產白  
螳白螳無君臣營營長孫子藻井懸綠房雲塗刻  
丹綺外完中已朽穿蝨作姦宄一朝忽颺去大厦  
拉然圯何不買竹鷄盛置雕籠裏一鳴羣螳伏再  
鳴羣螳死

艾蘭設檻穿椽杙張網羅中央置由鹿卽鹿山之  
阿銜蒿求其曹麋鹿羣相過轉瞬禍機發死鹿連  
車馱鹿死死由鹿積算丘陵多眼覩烹醢慘悲鳴  
淚滂沱悲鳴復奚益能救死鹿邨明日卽鹿處由

鹿還尋戈

江邊曉望

白露粘天水勢驕荒洲蘆荻自蕭蕭五更酒醒百  
憂集孤艇夢回千里遙蟲響斷時秋過雨月明多  
處夜吹簫江城鐵甕看如許滿眼寒蕪打怒潮

渡江三首

大江流不息蒼莽日夜東噓吸轉潮汐光怪騰蜺  
虹浮玉拔靈島石牌琢神工當其鑪鞴時一氣迴  
鴻濛鼉鼉閔窟宅鮫蜃排虛空盤渦立似象弱浪  
高於篷顛倒出日月敲磕聞雷風砉疑地軸斷森



若天池通舟航忽不戒咫尺埋幽宮我何數此行  
擊楫洪濤中

清朝靜無風襞浪片颿直日脚千里黃海氣半天  
黑金山如巢車蛟螭控輪軾長江轟渴來萬馬忽  
迴勒旋波怒騰蹕水腹中坼副龍驤十丈篷瞥若  
駑蹄踣願借祖龍鞭驅置江岸北不惜石流血務  
欲平嶮仄榜人晝攤錢揚舲過溝洫結念雖區區  
移山豈吾力

曉乘長潮來江面展圖畫織羅靜不翻文瀾壘方  
罨曠息片雲黑旋風忽流喝駏駘涌雪山坂拉鼓

冶排掉舌舞陰罽跨馬走水怪長年捩柁號捲沫  
打衣袂掀簸出波心下免鼉鰲喙却愛滕元發萬  
事胸不掛顛風江斷渡扁舟破澎湃負負胡可言  
高呼浪婆拜

揚州四首

選三

木鵝沈處錦颿斜隋氏離宮接暮霞辱井有魂翻  
玉樹仙都無夢餉金蛇裙縵禹穴千年繭鏡湧迷  
樓萬朶花莫向吳公臺上望江南江北總無家  
四鎮功名歎忽淪延和高閣醮仙真思驂鶴轡收  
風實細舞霓裳蹋月輪院裏吹簫秦駙馬堦前說

劍聶夫人可憐鷓子翻城後  
玄女兵符不救身  
欄檻層層俯薜蘿  
文章太守昔經過  
花爭幕下紅  
妝豔山借江南翠  
黛多酒拍玉船  
添畫燭香籠繡  
毯試蠻鞞春風楊柳垂  
垂綠腸斷蘇公一曲歌

過高郵作

濤聲翻擊撞水勢怒奔躍  
蕩潏日光暗慘黷天色  
惡長橋何蜿蜒旋渦屢迴  
卻靡靡蒹葭披站站烏  
鳶落往者狂流潰賊若強  
弩曠婦子魚頭生畜牧  
鱷尾掠桑麻胷黽衣沙礫  
爛蠶箔萬頃鄴豹田千  
秋白丹壑哀彼七縣人  
罹此一朝虐茫茫慟哭悲

隱隱波濤作嘗聞治河策  
久厘明堂略詎糜太府  
錢翻成塞齒博賈讓疏  
誰獻張戎論宜拓何時鳩  
鵠形重返絲穀樂九關  
吾欲呼民言古所酌

阻風

風起江色惡孤篷卸汀瀨  
浪花飛電雨草樹舞旌  
旆乖龍怒躩躍妖蜩喜  
奔會日掛羣山坳天清積  
水外荒戍斷人煙寒谿瘦  
蒿蘊赤鱗邨可又白酒  
從誰丐入夜霾霧昏當空  
星斗大風搜石罅鳴波  
掀沙角壞檣烏宿更起江  
月明復堪吾行固已定  
安問山節蔡

風不止

烈風何時休  
礮雲晚更作  
黑浪拜江豚  
雄雷拔山脚  
桅竿矗影瘦  
崩纜憂力弱  
舟師互傳呼  
客子但眙啣  
醇酎不可致  
醞酢亦虛酌  
愁腸轉輪轂  
燥吻裂齟齬  
隣舟叩何有  
淹魚類枯籜  
雜投乏萍韭  
薺芻芟癢勺  
藥草草誑空  
腹沈沈聽昏  
析斷碑蹲似  
鬼折篠鳴如  
籥孤犬時狺  
狺驚烏頻霍  
霍不眠遂達  
曙造物真嘲  
噱

淮陰侯釣臺

木落荒原水氣昏  
英雄漁釣跡猶存  
崩通不售三

分策漂母長留一飯恩  
人歎老臣知國士  
天哀女子殺王孫  
弓藏兔死由來事  
只合終身淮上村

漂母墓二首

選一

英雄不得志  
飄泊此江邨  
流涕王孫飯  
傷心老母言  
識高寧望報  
身賤欲酌恩  
千古窮人淚  
爭澆衰草原

奉題中允公耘圃四首次錢飲光先生韻

選二

遺榮遊物外  
清景栗園偏  
選樹安茶臼  
修筒引石泉  
人生行樂耳  
公意更蕭然  
盡日相隨住  
蒲葺鷗鷺邊

懶響頻衝岸鶯飛不出林石窪量酒貯韭帖倚牕  
臨簾蕩花陰捲池喧荷氣深濠梁渾在眼遙識古  
人心

述學校五十八韻

先王制禮樂學校惟宏綱左右各有次南北不一  
方四代學固殊教亦冬春更擇賢爲士師柔養使  
自臧匏簧歛雅頌盤辟執筐筐業精文而明器備  
溫且剛磨揉速躁心優游竣其成周衰王道缺塗  
澤事采章易象六代樂誇示於客卿學官與弟子  
器習義則亡有識隱山澤六經自攜將足不出庭

戶聖道鼓雷礮諸生就習禮絃歌滿廡廊當時稱  
極盛鄒嶧西河鄉永平置辟雍番尼爭受經太平  
飾榮觀庠序卒未宏文皇崇先聖闕里專祭祊皇  
族及郡國橫舍增千廂七營飛騎衛生徒列成行  
開元毀先典道舉歎雜龐宋世學具設熠然文治  
昌師嚴道迺尊立法蘇湖良廣內賜九經睢嶽廬  
嵩陽耆儒隱不仕若揚孫穎常舉命教本州薰德  
多才英養賢體旣肅喻學術益詳士負不學恥顏  
厚穎有糝沿流逮有元餘韻猶錚錚書院山長設  
壹以德行揚斯風漸漸滅聖道誰翼匡師旣弗暇

擇幽室嗟俚俚博士空倚席弟子徒面牆矧乃資  
格破敝苟縣魚梁臯比設講座三揖升賞郎用頑  
以治哲用闇以訓明譬如飾瓦鬣而欲凌球璋其  
號稱職者帖括爲士程亂似鼃蛤吠細若蝮蚓鳴  
豈知咸莖奏拊翼交鸞皇在昔立學初制義何深  
長上以事鬼神習射嚴禘嘗下以治旡庶養老先  
農桑內以正表著賢能簪冠裳外以肅軍旅撻伐  
威氏羌師也君弗臣聽語施之邦下暨甸侯服州  
豫鄉有堂大夫士旣老歸教職所當德藝爲種耨  
棘寄爲堤坊殺人亦有禮臨喪不復翔閭閻何秋

秋叔世那可望小言最破道枝葉紛披猖厥始作  
蝨蝎末乃尋斧斨狂飈一以擣制度胥淪喪後世  
所沿襲太倉餘粟芒何異測海蠡不啻告朔羊謹  
守懼失墜尚或譏愆忘明堂高峨峨辟雍水泔泔  
誰定太常議三古追頡頏

湖鄉雜興

閒身已分老幽栖漁子頭銜好自題花巷穿風隨  
蝶舞柳陰調管畚鶯嘯

茸茸葭葦綠沿汀收網歸來晚市腥濃淡樹頭初  
過雨東亭煙起接西亭

殘月艙中曉霧沾野航入市尾相柑紛紛陌上青  
裙女瓦罐提油箬裏鹽  
處處笙歌賽社忙醉餘著屨向橫塘燈臺草秀釵  
茸碧豆莢花翻蝶翅香  
瓜蔓波生浸碧雲繰車搖雪夜相聞吳蠶若有風  
流分抽出新絲織舞裙  
長條拂帽柳依依行到溪橋望落暉水面老魚迎  
棹立簷頭雌燕領雛飛  
顆顆櫻桃赤似脣青梅如豆已生仁晚來閒向谿  
頭立只見楊花不見人

黃梅二首次俞旅農韻

選一

蕭蕭梅雨落角角野雞鳴酒暈添羅裊絃絲脫畫  
箏水吞通市路溪亂擲鼠聲濕霧連朝暗堂陰毒  
菌生

秋日村居

春靈麥種壞秋旱稻花傷人合逢饑饉天非悖雨  
暘倚牆秧馬倒激浪水車忙辛苦灣頭叟笊簪活  
計荒

戎戎濕霧起袞袞薄雲收蟹蝦青燈晚魚梁白鷺  
秋短衣裁楚製長笛應吳謳養拙荒村上頭銜是

醉侯

王烈婦

休寧王烈婦姓程氏十九而嫠事姑以孝聞甲申乙酉間盜賊大起婦奉姑避亂山中間行遇賊賊拔刀劫姑以逼婦婦抱持其姑罵賊甚厲賊怒支解之鄉人立廟祀焉

黑山初鼓亂白嶽漫纏妖林暗鴉語天荒豺虎驕死心甘碎骨生氣薄曾霄吾作迎神曲幽魂或可招

逐鹿遭陽亢揭竿開禍樞老姑猶飲血新婦願捐

軀青史久相待蒼天不可呼死貞終廟食盜賊爾何愚

日月還依舊孤芳自典刑血旌崖石紫厖配嶺楓青撰轡蘭旄颯傳芭孔蓋停幽魂誰共語湘瑟雨冥冥

雜題舍弟穉均山水畫卷六首

選三

穆穆細雨落巖花來訪幽人一徑斜石氣翠生宗炳榻樹陰濃覆謝敷家

到處浮家作遠遊柁鐙隨分占風流青山一角湖三面著我魚鱗細篋舟

橋橫獨木人呼渡樹臥空亭葉作堆水鴨向船鳴  
不住斜風捲雨透艙來

城南三首次宋五嘉升韻

滄波日夕變新畬往事茫茫劫火餘寶劍乘雷歸  
碧落金鳧照夜出幽墟水村燒紙迎梅福漁艇吹  
簫賽伍胥楊柳黃眠蒲紫立祇應隨地著吾廬  
漢室曹瞞是獍梟猊兒年少欲橫挑刀圍玉帳觴  
公瑾花簇珠屏舞大喬水上神書纔息燄牀頭明  
鏡旋生妖蟠龍門外牛羊墓蕎麥粘天似雪飄  
東風倚棹木蘭舫舊事淮張剩野蒿人弔夕陽花

作雨烏嗥初月水平篙江陵故老憐蕭銑隴首荒  
宮記隗囂亡國有魂歸不得駮狼衡海漫呼號

題吳超士春渚獨坐圖歌

編舟昔截鶯脰湖扣舷絕叫驚鷺鳧雞鳴狗吠應  
浦漱老漁衲衲攢眉斷橋朽柱篙眼亂檝頭單  
槳聞招呼弱柳低眠老松立彷彿下有幽人廬先  
生寄跡湖近遠蚶田蟹舍辦薄租任裏通脫比漫  
叟著論蘊憤摹潛夫槿駢紅蕊花作壁橘筍碧醞  
香衡壺有時獨坐沙背上白雲散盡蒼山孤驚魚  
趁水擘面起釣竿擊斷青珊瑚袖中間展冰雪卷



玳瑁似走馮巨珠江湖無人空歎息粘天翠浪搖  
風蒲舊遊不理已十載畫肚暗背營丘圖秋來欲  
借放鴨艇就君酤酒烹鮮鱸

觀陽山雲泉菴大石追次吳原博史明古聯

句四十一韻

吾州卑猶山大石萬口誦芒屨獨來遊赤藤還復  
共風吹輕翼肘意行捷飛鞞山骨屺撐立霧脚鬱  
蒸滃何年鼓鑪鞴造物開鴻洞乘階拱兒孫岑嶠  
班伯仲鬪狀突相攫落勢奔可恐其陽芝菌殖其  
陰窠竇凍石理紛鱗皴龜兆等錯綜女媧施手時

巨靈擁幢送齶齶河鼓槌鬢鬢土伯從玄雲疊千  
堵妖罔鑠百種谿笏坤軸陷鼉鼉冠重頰如龍  
割耳踔若馬脫控仰似靈鼈浮聚似羣狙訟騰虹  
轟石梁劈壤砮幽街奔雷鬼斧鳴凝

魚慶切

血神鞭

用帝觴爲落成山秣亦効貢壞形簇簪髻側睨欹  
瓠甕前飛雉霸秦後卻鴟過宋授書偃蹇來支機  
姪姹奉日炙焦流金沙伏燦生汞深坳芥舟漾淺  
罅戟牙中衷啗東海窄陣駭常山縱目眙歛改眦  
肩聳但孤諷循翫日屢移刻畫語未痛上古聞夸  
蛾負山厝朔雍誰向勾吳偏壘此怪石供礪角來

野牛折膝臥鐵鳳堅瘦霜雪饕蹺踈踈股衆掃苔  
據兩弓枯僧結雙棟犖确伴天頑宰豁倚厓縫仙  
蛻鳥翮披泥深鯨鬣壅米拜端可受李射儼欲動  
棋枰剗凹凸佛龕鑿嵌空青飶足餽糧殘碑供吟  
弄詩服匏翁昇詠倣洛生鬲輕傳比竹諧狂作投  
俞碯焚焚塵網間擾擾蠻觸閔微尚寄巖壑盪胸  
展雲夢卻笑牛李癡黃金擲高俸

過大慈寺

紫袷霑微露斜穿石徑中谿迴花不盡峰斷澗遙  
通茶竈家家火山鶻葉葉風

陽山特多山鶻  
俗名石軸花

支公畱舊

隱撥路款茆蓬

偕大慈補公遊岳園

朝從遠公出著屨恣幽尋一徑向花霧衆溪藏竹  
陰茶香甌潑乳笋細玉抽簪風勒奔泉響璆然汎  
雅琴

自岳園過西白龍寺遇雨

山午鬧鳴鳩敲門下竹兜谿迴還入寺雲出便沈  
樓楮老生黃菌松高結翠球回看樵徑滅疎雨暝  
如秋

龍母祠

鬢髯明神降鱗鱗小殿中湘娥裁玉佩月姊織香  
蔥壁吼青鼉雨旗翻赤鯉風山農喧鼓笛載酒酹

幽宮

祠後卽  
龍母塚

晉柏

幹拔相拏攫枝迴自屈盤乖龍鱗甲蛻老鳳羽毛  
殘皮蝕銅花暈筋纏蛻影寒羨它閒草木曾識晉  
衣冠

過平望追次范石湖韻

波面捲疎雨篷脚換斜陽溪沈水葉紫蝶嗅畦花  
黃墩樓鴉奪巢野渡兒鳴榔石罅銀鯈亂瓦甌烏

菱香數家鰕菜市一鏡菰蒲鄉窺籬鬢姪妣垂幕  
天滄浪風弱減帆腹月黑攪客腸沙行迴雙篙打  
起雌鴛鴦

村社

東風駘宕搖香陌楊柳深青杏微白社翁昨日神  
雨飛整整斜斜灑溪碧農家燒紙古樹下烹鯉魚  
羔獻醪炙赤脚槁項互拜起蠻絃漁鼓交撐搥村  
巫降語神壇前社翁賜爾多禾麥來麩早晚穗兩  
歧黍稌高下畝十石原蠶作覩盡如甕老特生兒  
能駕軛鵝鴨將雛雞養孫翻飛隨母聯千翮翁前

媪後領神語送神入廟張筵席遮邀隣里雜嬰穉  
填溢不憂茆舍窄長瓶瀉酒連百觥大肉堆衽橫  
半尺留賓掣袖氣麤豪拒罰覆杯聲嗑咩夕陽射  
地潑眼明蹒跚人影相扶掖村巫得胙亦歸去神  
語吉祥歡滿室敕兒當戶貼蠶符斫竹連宵樹鷄  
柵旁修豕笠築牛宮圓困方鹿皆增闢整待今朝  
神語驗明年社日重呼客

觀打魚戲爲鷓鴣歌

鷓鴣鷓鴣巢高木張口吐雛連五六明明碧眼玻  
黎明稜稜長喙鉤鋌曲野人椽網橫覆車觶沙兩

翻不得舒鹿角腥涎養馴熟朱繩繫頸來捕魚湖  
波吞天一葉舞野人指撝若部伍鷓鴣穿浪疾如  
風水面迴篙掉飛艣戲鯉游魴驚失次拏髻磔尾  
萬魚逝翻身入水追亡逋搥鼓船頭助聲勢大魚  
鱗脫紅肌摧小魚半死盈艙堆鷓鴣鼓翼潛龍吼  
貪殘嗜殺神所猜野人捩柂斜陽墜論斗賣魚謀  
一醉鮮鱠遙看藿葉香輕刀細剝春蔥脆鷓鴣鷓  
鷓垂頭斂翅上茅屋一寸鱗鬣不入腹

偶興

涼氣生高原簌簌響疎雨雨過林麓淨東風蕩飛

絮遠水沒青天綠霧漲深樹斜陽入孤村小橋引  
微路偶來把釣竿獨坐澹孤慮鬢眉染溪碧衣袖  
滴花乳野鳥不驚人銜魚自來去

早

廣澤沸斗水驚薨魚尾頰草木半焦卷枝脆葉不  
榮不惜草木死但憂蝗旱并借問荷鋤叟可能傲  
秋成父老仰天歎赤日輝銅鉦土堅錢鏹斫地  
如攻城城堅尚可穿土堅絕難畊日行舍東井農  
事尚未萌豈敢騁惰窳雨澤慳珠瓊血流殼觶蹠  
耳攢桔槔聲剡剡田中秧化爲枯著莖

勿播糖粬種勿畊蠓螺田高原堆塵塌下隰渴水  
泉火雲煽地赤日鏡飛上天嗚嗚溝車響口鼻焦  
生烟昏暮不得息蚊嘍劇飢鳶足腫破流血腸直  
鳴燥絃村媪筋力朽候水水埒邊濁漿不入土土  
塊瓴甌堅列畝玄兆圻新秧黃髮拳盍覆無羸粒  
衣破頰兩肩鬻女豪家門涕下如蛟涎何時淚痕  
斷挽取天河湔

租牛行

今年旱何甚赤地艱插蒔西隣舊豪家牛固新修  
治小姑脫銀櫛大婦典羅襦平旦駢牛歸濕濕犉

與犁東隣活計少麥種無畱遺老妻共力作骨出  
如枯龜子本勉稱貸租牛鑿牛池牛肥四蹏健牛  
瘦兩角騎隨牛上車盤車壞牛行遲揮鞭向日暮  
人牛同時飢歸來困倦極解衣看牛齧半夜還屏  
水哀歌摧心脾亦有無牛家中田生曠摧淚滴深  
眶眸膚灼攢癥胝踏車鼓聲歇呼兒咒蛇醫

向夕

葭莢荒荒白汀沙漠漠黃草聲飛蚱蜢巷氣下牛  
羊風入書翻几瓶香酒過牆檐牙西月掛囧囧抱  
晴光

夢中作

木脫清秋夜湖頭捲釣綸鳥驚風起樹天遠月低  
人舟小真如葉波輕碎似鱗箋詩還註易宿世是  
玄真

過白坊村居訪奚大蒙先生

放棹前溪去閒尋隱士村水枯魚汕出門破鹿籬  
存麴部狂堪吏中書老欲髡愛君吟好句詩酒有

乾坤

先生誦其近詩有鬼神无  
禍福詩酒有乾坤之句

耆舊今凋謝如君復幾人破家團死士屈首老頑  
民腸斷西臺哭心甘北阮貧鳧鷺煙水裏長寄肆

閒身先生自號肆閒

梨花下偶題

小閣香殘有所思  
珠簾犀押向風吹  
梨花路繞青山遠  
正是馬嘶郎去時

題支硎法螺菴

山翠墮幽澗  
林花洗微雨  
衆鳥忽已寂  
明月在高樹  
幽人尋鐘聲  
蘿徑獨來去

虛堂冠孤岑  
星漢瀉如掌  
寒花入幽夢  
白雲寄餘想  
暗覺風雨來  
杉梧厲清響

次韻答日容秋夕醉歌

江城千雉秋雲鏤  
匠門一角斜陽墮  
張也灑掃蝸牛廬  
壺尊爲右圖書左  
未能跋浪凌滄溟  
自要深杯澆坎坷  
醉頭酒熟奔渴蜂  
壁竅蟲鳴咒土嬴  
瓊推蓮子鬪分曹  
鈞傳黃菊拈殘朶  
蠓螯斫雪白紛綸  
橘柚搖霜綠髮髯  
郭生年少誇翩翩  
顧子頽唐亦頗頗  
詼諧弄筆責奴髯  
游戲斯文誚奚跛  
顧我常戒賀若錐  
當筵敢學禰衡裸  
匿影恒比尺蠖屈  
外語還防箕舌簸  
貧家本住千花村  
秫米行收萬珠顆  
雞豚作社舊曾偕  
羊酒講婚無不可  
辭君卻棹漁舸還  
解幘橫當波面坐  
青山盤髻冷看人白

鷺刷衣間候我好攜簑笠採蓴鱸長與憂煎脫纏  
裏

櫻桃三首 選一

華林三百樹樹樹醉東風碧葉撐濃蔭繁花映綺  
櫳捎簷旋結實接徑不分叢火齊凌空出珠丸逐  
彈通日烘憐照灼柝捧瀉玲瓏千子香屏上雙株  
寶楯中珊瑚沈網碎鸚鵡啄枝紅設筍陪嘉會黏  
蟬感化功忍將烹杏酪好與伴郫筒味愛酸甜足  
圓看朱紫同蒲萄餘寵濫 唐人呼蒲萄為賜紫櫻桃橘柚故恩空  
破夏宜嘗麥驅禽欲約僮莧腸愁內熱薰面覺朝

融不信長安客銀絲絡馬駿

虞美人花三首 選一

重瞳霸業已成塵何事繁香獨愴神兩戒江山餘  
百戰一叢花草泣千春湘絃調咽紅粧斂楚東風  
搖碧葉新聞道漢宮尤寂寞影娥池涸出青燐

黔中詠 有序

吳江赤霞吳子歸自黔中出黔中詠示予讀之  
慨然而歎感尹珍之篤學莊躋唐蒙之已事與  
夫尺俗之荒怪因和而補之凡十二首俯仰千  
載覽者或亦有感焉



莊豪

莊躄滅夜郎因畱王滇池一綫熊繹後猶足君蠻  
尺豈知秦鹿失乃爲囂佗師

竹王

豚冰三節竹荒怪不可詳南尺君長百竹姓獨得  
王犵狫吹蘆笙年年賽三郎

唐蒙

奇兵下牂歌法當如鬼疾伏波已破越夜郎兵不  
出棘笮徒騷然唐蒙策竟失

尹珍

吾愛尹道真自斬生炎荒北從應許學卒用經業  
昌蛾子尚時術不學悲面牆

濟火

朱褒反牂牁高定叛越雋扶義得濟火前駟駕鞭  
箠至今羅甸王庶貺照江水

關索

關索壯繆子名與嶺不磨豈伊史官闕無乃蠻語  
訛嶺邊山呼響昆躄上坡陀

顧亭林備錄關嶺  
獸多熊鳥多山呼

聖婆

南登岑樓山卻訪聖婆井井水深不測竹林風日

冷傳聞九股苗尚怖裙幟影

郭青螺黔記聖婆至岑樓山渴甚以杖卓地得水植竹成林土

人嘗拾得聖婆裙與苗戰揭以為幟苗輒敗去

黑神

黔記忠烈廟祀南霽雲即今黑神廟

粵巫祀黑神云是南開府禦火猶殺賊火作神靈

雨南明河水邊迎神鬧銅鼓

土人傳南明河水鳴輒有火災

奢香

烏蒙赤水道置驛由奢香羅鬼固可化好殺終不

祥咄嗟兩女子遂坑馬閻王

張猷

神仙果有無斗蓬跡荒怪空山作影堂瓢笠竟長

邁絕笑驪山母殘碁不放敗

平越山石壁有張三丰影

葛鏡

杠梁本王制後世不復修麻哈江水惡欲渡行客

愁葛鏡彼何人名與橋俱留

平越有葛鏡橋跨麻哈江上

韋番

七蕃有韋氏實祖韓淮陰匿孤寄尉佗蕭相謀最

深參夷終已矣完卵尚傷心

泊舟虞山下曉起

篋舫輕如葉鷗邊一枕寬滿湖芳草綠清夢曉鐘

殘冪冪烟籠日鱗鱗水漱灘百錢租軟轎花徑露

微乾

興福寺

連峰忽斷處一徑入禪關樹老長巢鶴泉清不出  
山石幢文字碎經閣鼓鐘閒日暮雲封谷空看飛  
鳥還

頂山廟

古碣文訛缺荒祠氣窅冥雨工扶繡纛螺女倚銀  
屏馬蹋靈雲白人歸社櫟青風雷初解後潭底宿  
龍腥

遊仙曲題仇英畫卷

曾樓十二蓬萊東瑤題玉柱蟠虛空矸光藤紙裁  
香蔥神霓扣額進綠封荒忽似遇雙髻童巖頭三  
撞碧玉鐘金鑲脫鑱春雷碯洞天如鏡磨青銅仙  
人曳珮搖琤琮玄綃罷織遊璇宮藕花羣映粉綬  
紅騏驎擘股釵分茸王母一笑迴春風鳳翎啜雨  
絳雪融雙成卻倚石壁松冰蠶絲脆張桐峰誰其  
聆者顏芙蓉約腕條脫輕紗籠玉卮廣衷翻驚鴻  
遊戲下捉五色虹寶屏百丈璫璃烘紅輪翠箔相  
鈎通蟾蜍銜月綠牕櫳瑤溝鯨吐金屑淙下有騎  
鹿長耳翁曉畊琪草馱飛龍從乞一琰流霞濃歸

來牧石深山中

競渡詞 并序

五月三日顧漢魚于克俠君兄弟置酒舟中邀  
同金子亦陶黃子憲尹俞子旅農尹子又黃鮑  
子孝一張子日容由胥門歷閭門至聖唐灣縱  
觀競渡作十絕句記之 選六

團扇單羅五月天鴨城南北柳垂煙衝波小艇輕  
如燕載得筇侯上畫船

小海歌翻動碧虛龍鱗畫舸鬪清渠吳兒自要誇  
身手爭向潮頭逆伍胥

羣羣翠鬢鬪春鴉畫槳相銜壓浪斜莫道分明看  
未得湘簾如霧不藏花

日容在坐得句云隔船可許分明見  
五尺珠簾煙雨封子戲作此轉語

顧家弟弟總超羣閒製新詞教舞裙攜客水牕吟  
眺處棋枰酒壘各成軍

疊板頻催碧玉箏畫船卻載米嘉榮水雲乍起半  
江綠疎雨斜侵落拍聲

新蒲交翠翦羅衣燕子窺人撲面飛樓上碧簫愁  
欲暮滿江風雨畫船歸

赤鷹

盲風攪野日過暉頑雲結塊天無威叢祠幽黑狐

狸語鬼車接翼盤天飛引怪徵妖聲格磔嘻嘻出  
出收人魄寡妻夜哭連舍空莽桔茫茫燐火碧瞥  
然捕逐來赤鷹金眸眩轉如流星六合清泚霾霧  
掃蒼鸞神雀賓王庭誰知覆手生禍胎翦翎囚送  
空山哀赤鷹銜淚鸞鳳弔訓狐地下遊魂笑

颶母謠

南海南東海東鯨鬣刺天魚眼紅東海東南海南  
馬銜掉尾龍伯貪海賈椎牛開巨觚颶檣十道凌  
空展怒水高舂霹靂逐勁風倒掣長潮轉帝儵鑿  
島呀雙門旋渦撇施投蠻村礮雲怪雨頃刻變寶

氣紫赤搖山根洋中技巧勝吳蜀器雕花朵裝珠  
玉曲房蠻女十五餘薇露塗肌初出浴翠髮雲披  
頸粉搓柘傾三勒顏微醺屏山入夢春不曉錦綾  
萬段酬蠻歌尺言駟會工欺侮裝橐勾稽十失五  
鮫宮鼉窟悔往來發憤銜羞作羈虜鼠變虎蝨化  
牛天道荒忽非人謀君不見嘉靖時並海村厖噤  
不吠暈光如血颶母起射潮強弩屯千里

題蘆雁畫幀二首

選一

江雲黯如墨雪花大於掌嗷嗷羣鴈鳴獵獵枯葉  
響聚啞占遙汀孤飛掠平莽我欲投江湖老作鴈

驚長漁村斫雪出寒光冰卑病切烏榜手敲銅斗歌  
雲水倒下上竹弓辦麻蒯射鴈向芟蔣撫此茗雪  
圖風塵厭羈鞅

讀陳仲天啟宮詞四首

小殿花開覆玉除御前刀削嵌璠璣考工曾是周  
家法誤作興王半部書

金烏過翅向西流符瑞翻傳出豫州角亢三更收  
寶氣秦時玉璽進彤樓

幾座銅缸鑄海鰲設機激水噴銀濤閒雕鶴卵圓  
毬子拋擲波心五尺高

講幄生塵玉座空君王運斧捷于風誰知鈎黨中  
原禍大厦將傾慟國工

首冬同戴大田有汪大武曹汪二右衛顧四  
有常張三日容顧大虞珮吳二荆山集顧十

一俠君秀埜草堂醉後有作六首選四

翠竹紅橋五畝間盍簪佳會啟松關釀葛小圃駢  
頭橘簾透西城半角山心許澹交廉慶上文追良  
史固遷還夜深寒月侵池畔水底沙如篆籀斑  
飛揚意氣未磨礧五岳峻增方寸中草木尚生無  
患子男兒郵作可憐蟲逢花茗芋爲愁飲結柳逡

巡歎學窮至竟文章成底事莫臨遼海哭秋風  
畝無卮茜陸無羊醉裏時時強激昂憂國願增除  
爵法讀書先檢作金方凌雲才調開印笮結鞵聲  
名重廟堂何事范家賢子弟妒人輸貨買齋郎  
擬依招隱製新詞塞嘿低頭只自思綵緌千條裝  
趙勝黃金五尺鑄鍾期馬看如狗鳴珂早劍定成  
龍出獄遲不相蘭筋占斗氣可憐得失竟誰知

泛塊壘湖作

東風宕遊絲殘雨洗紅藥天罅漏晴光欄牙噪春  
鵲隣曲走招邀村杙相斂釀迴篙舴艋輕劈岸鱗

鷓躍野花翠于睂水葉圓如杓桑巔出斜梯竹頭  
編短笱蚶田放鵝鴨蟹蝦遮蒲葦折櫂入蒼茫澄  
湖蕩寥廓晴烟泥楊柳碧淪搖巘嶸牽檝藻凌亂  
唼影魚嚙嚼洗瀆中流深清激隨淹泊濕銀注晶  
奩皎鏡磨菱萼璫璃忽崩嵌荒怪互撝霍水仙蓮  
瓣長鮫女綃銖薄閃閃舞桂旂冷冷漾風鐸粘天  
遠樹垂擁柁春雲弱掀浪日鱗鱗漱石沙焯焯濱  
湖土阜高生壙阿瑛鑿老鐵許文章迂倪伏標格  
映浦抗烟榭拏空曳翠箔石牀倚題詩紅頰侑疎  
酌風流渺不還名勝空如昨澹沱夕陽斜紛騰野

炊作碧岫稍鋒沈紅霞魚尾落捎月樹蒼蒼緣陂  
蛙閣閣篋牕穠露泣酒面輕颺掠吾生貴適志茲  
出殊不惡摻袂謝同遊雞豚固前諾

題秋湖放櫂圖贈田有別

秋山倒影翠生香人立湖頭黯自傷紅蓼岸枯花  
吐白綠楊村老葉飛黃輕雲擁柁隨天遠小雨敲  
篷入夢涼欲採芙蓉將遠意西風朝夕下寒霜

江左十五子詩選卷四

江左十五子詩選卷五目次

商丘宋

犖牧仲選

毗陵邵長蘅子湘訂

商丘宋 至山言校

錢名世

春霽山行

題延陵季子廟碑後

唐貢山試茶

送楊鳧今北游太學和許在衡韻四首

選二

溪店

觀潮

賦得江春入舊年

楊青村移居六首

選三

贈宋射陵

題顧俠君小秀埜



題查悔餘蘆塘放鴨圖

東陳道柔四首 選三

題闡卷尾絕句四十首 選十

竹鑪

詠析分韻得三更二字

題狄向濤庶常秋影草堂

題王赤抒竹深荷淨圖六首 選三

四月二日同諸子集學人寓齋用昌黎短

燈檠歌韻 疊用昌黎韻東學人

聞雁

江左十五子詩選卷五目次

江左十五子詩選卷五目次

江左十五子詩選卷五

錢名世

亮功武進人著  
有古香亭詩集

春霽山行

孟春值陰雨經旬閉柴荆  
晨興理短策試向前山行  
始霽羣卉坼稍暄百鳥鳴  
攀躋行石磴迢遞延蔥菁  
谷幽嵐正合路轉湖偏明  
松風有時歇悠然聞水聲  
卽此愜吾慮綿邈生遙情

題延陵季子廟碑後

江臯遺廟鬱嵯峨詞客吟詩枉道過  
故國臺荒唯見鹿殘碑字古盡成蝌  
當年華袞垂青簡此地佳

城掩綠莎捫石細看重展拜夕陽西畔冷風多  
逃位曾傳泰伯風那言高義子臧同江山未改仍  
公子人物無憑只上中地僻似村烟月白廟閒如  
社野花紅傷心窟室鉞交後斷送亡王泣甬東

唐貢山試茶

蝦虎城東水東瀉兩岸藤花如罨畫烟岫輕雷大  
茗舒緣溪占地成茶舍使君五馬夾紅旌松澗穿  
來洞府平嫩綠鮮芳香雨裏嘉禾瑞草別徵名驅  
使丁夫入叢去抽金裁璧都收貯境會亭前整玉  
筐拜章二牧銜雙署天教泉脈噴金沙敢學山僧

怨白蛇赤印多催蒸紫笋就中供御揀冰芽至尊  
笑舉清明宴頒賜月團三百片也復江湖到散人  
指揮能事旗槍戰抽添活火汰膏薪雲脚霏霏沫  
餽勻翠袖低擎光瑩乳花甕滿貯色傾銀誰辨蠻  
鞞與麓筵漸兒狡獪能爲爾山林職志酪蒼頭游  
俠功名茶博士甃石封苔故井通書旗誇酒小樓  
空千年唐貢傳靈秀莫恨春風草大蟲物換星移  
時代易異製殊形廢先出宋家北苑龍鳳模螯後  
綱頭開勝雪畢竟閩中道路難馬愁日晚舟畏寒  
君謨士品徒決裂陽羨今仍壓建安獨惜茶山蹟

已古焙室不存提領所泉花空好汲於潛雪水但  
言烹顧渚挈鐙擔竈謁山靈飲汁重修陸羽經紗  
帽棋盤皆第一紫英狼籍亂峰青

送楊鳧令北游太學和許在衡韻四首

選一

通眉長爪可憐生妓席狂歌喚紫雲點鬼流傳當  
日體覆瓿安置太玄文  
鷹臺畔呼桐酒詐馬筵  
前簇錦裙麗句巧翻新樂府中朝名士許誰羣

溪店

溪店灘風惡松門夜雨寒有雲緣仄磴無路入層  
巒石壁龜文細竹籬鹿眼寬明朝應記取桐帽挂

驢鞍

觀潮

早潮灑灑明星沒晚潮浩浩初月出潮去潮來自  
古今秋毫不見江波溢渡江著屐升顛崖江流端  
正白道斜吞海亭前放兩眼澹然耳畔喧雷車汀  
鳧渚雁知潮信拍翅驚飛排水陣半江崩浪大于  
山突過中流冒平進白馬麤毛十萬匹怒蹄蹴踏  
寒風颼如茶素甲鼓聲高睽暘霜刀橫擊律雪龍  
天矯空中飛飛魚怪物相追隨鱗爪變現領珠落  
毒涎霧噴光淋漓鬪霆擊電海門碎巨壑蕩滴藏

舟移汨沒沙洲不勝計但憑遠峰露螺髻雲根直  
欲信流去虹洞蒼茫極風勢江豚掀簸豈自由天  
吳叫嘯水仙愁弄潮吳兒好身手騫波燕躍伸黃  
頭欹岸水痕添一丈漁舟箇箇浮天上絕港空陂  
盡灌輸枯荷敗蘂皆神王濤偃端平鏡面圓千溪  
小艇乘江漲君不見錢塘羅剎凌浙西歲歲嚙壞  
江邊堤英雄豪氣奪天險犀弩立射潮頭低此地  
憑闌却回首青門文采今何有閑看七發廣陵潮  
急買六朝京口酒

賦得江春入舊年

律應光風轉春隨弱線添霜華旋解松雪絮欲消  
鹽穀浪拖藍皺螺峰蹙黛尖雁臣還塞淚魚妾上  
冰嶮緹蘓晴沙覆菖蒲淺水淹波生潮信減井鹿  
石泉瀝漾漾投綸穩溶溶掛席恬一渠烟繚繞兩  
岸草囊蠶驛騎輕塵滾漁舟宿火爇澄江渾暴練  
新月乍磨鎌綺閣紅樓並黃蜂紫蝶兼銀塘牽錦  
纜金屋捲珠簾文杏爭題館官梅簇臥檐紙鳶圍  
穉戲畫鴨鬪香奩細雨飛茶幟輕寒盪酒帘蠶娘  
供白粥鳳女掛紅餽荳蔻香苞坼薔薇露帳遲迴  
廊行窄窄輕袍弄摻摻柳帶遊絲挽花鬢淡靄黏

粧臺愁暖暈，美笔喜酸醎。木筆如椽利，榆錢阿堵  
嫌。曉枝啼百舌，故壘認胡髯。繡轂羣芳合，朱旛賸  
馥沾。苑中裙幄滿，陌上籠鈎鈺。公子拋金彈，村夫  
荷鐵鉗。獻鳩深刻杖，射雉密安巖。槐火移新兔，桐  
葩映老蟾。棗糕蒸麵熟，粳酪和錫甜。被禊蘭亭集，  
迷藏藥塢潛。遨頭遊覽闊，藍尾罰嗀嚴。芍藥詩中  
贈，池塘夢裏拈。毬場誇跼躑，菟騎展韜鈴。歲叶百  
年兆，竿符六尺占。昔分竿影六尺歲則大稔屋鳩呼滑滑，壠麥秀  
漸漸。冬日烘編戶，昏臺露彩蟾。生三遊，浩蕩吹萬  
及毫纖。有脚陽春遍，如膏化雨厭。水程流渥澤，朝

夕報郵籤

楊青村移居六首 選三

圖書一榻養閒身，仙有端倪佛有因。讀易東牕參  
妙道，曬衣南巷詡清貧。筆頭漸退兼揮帚，車脚權  
支當獲薪。終覺麗情拋不得，落花啼鳥撲香塵。  
湫隘紅塵選奧區，衡門兩版帶清渠。開筵覓友蹲  
牀上，勸學呼兒立座隅。上口詎須三萬卷，扶頭可  
要十千沽酒箴。玄草還須刻也，得中分少作無  
休。擬山村與水村，雪中鴻爪故無痕。烏衣境癖諸  
王巷，馬策風高萬石門。花發遠樓三月霽，夢回長

枕五更溫安貞大有含章在地勢何妨自轉坤

贈宋射陵

冬青蕭索遺民少海濱寬閒存一老  
睽睽晨星氣象高華峰削翠金天杳  
百年以來人事變射陵先生眼所見  
銅駝荆棘蒼鵝飛露掌仙人辭漢殿  
南都斫盡靈和柳二月不知春  
甸線後庭花唱商女口毳帳篳篥成  
高宴臺城應教秋衾客掃跡荒村  
守迤賤叢殘蠹帙過五車石田茅屋  
蒼苔居長編一卷必在手百家諸子  
時畋漁野蔬新翦濁醪熟簷花墜  
雨寒牕虛兩京舊事飽其腹閑談湧  
出泉

百斛蘭臺掌故多  
放失江天少微有實錄  
薦書急奏楊鐵雅  
白衣宣至參史局  
見聞覩縷談靡靡  
八表十志成必速  
不然土室作詩史  
空想蕉園在鹽瀆  
君不見永寧寺側  
藏書樓寶光夜夜  
騰斗牛鹿門偕隱  
夫何求長君健筆  
思廉儔難椽官館  
來日事那羨區區  
史通子

題顧俠君小秀埜

綠浪紅闌百舍違  
三間參佐且相依  
後門無限金溝水  
也有青楊絮撲衣  
叢書板闕如韓宅  
妨帽檐低似庾園  
恣買豐臺千

芍藥洧川風物滿階翻

門外車音日殷雷門無客到不輕開紅塵若道能  
侵物牆角青山底處來

方牀曲几自蕭疎小啜香茶檢異書便是阿瑛觴  
詠地不須頻憶玉山居

題查悔餘蘆塘放鴨圖

鶴媒立寒臯雉媒立春壠借面友朋伏禍機白晝  
啾啾毛骨悚昨日驅車走平地爲防江海風波易  
黃塵忽然飛滿天轉摧軸折須臾間道傍觀者皆  
歎息歎息去之如等閒進不能前退不可拔劍高

歌黑雲墮淺水蘆花放鴨船滄洲一夢推蓬坐

東陳道柔四首

選三

縑就文章鬪色絲忘年小友學同師何當蜀客媒  
琴日却是湘妃葬瑟時聲亂洪鐘蚯蚓竅香蒸散  
木桂林枝潛夫有論吾真隱睨爾飛鳴集鳳池

詞場人擬豎降旛五嶽猶言各自尊小弟先容無  
狗監老兄獨坐有龍門彈冠直欲憑王吉喪足那  
堪溷伯昏雄劍已迴牛斗氣鉛刀埋獄向誰論

爵躍鴻蒙正掉頭雲將爾日亦東遊黃昏雨漲啼  
蕭寺白下魚沈怨石尤窮鬼至今延上坐離騷原



自法前修枯腸冷落梅花夢一部蛙聲誤隱侯

題闡卷尾絕句四十首 選十

鈿翠微偏寶髻傍掃眉時節欠周詳舅姑嗟賞夫  
君愛卽夕新人哭下堂

黃金絡腦錦障泥朝刷燕南暮浙西可惜通靈韓  
幹馬墨痕微損蹶霜蹄

江上青峰縮暮烟曲中餘韻尚悠然一絃輕撥干  
天譴雨打湘靈五十絃

鼇背烟雲鶴背程玉清淪謫省前生憑君莫話遊  
仙夢十日蓬萊頂上行

食葉蠶聲下筆時誰能點竄不容絲歐梅若用吹

毛法冑爲東坡恕小疵 都官以殺之三問東坡坡曰想當然耳

詩卷孟郊高格調文章曹植闊波瀾莫將鼇擲鯨  
喏意等作裁紅暈碧看

白日堂堂著鬼神強顏文過豈無因解嘲不用多  
言語要與荆川作替人 荆川孔子聖之時者也墨數用仕止久速又天生烝民一節文中辭讓二字艾

呂未爲改正

上下千年晷刻中略提綱領已才窮無心却也露  
人禍敢學知幾作史通 家舅芝田先生賞第三策以爲貫穿史學徒滋愧耳

任沈溫邢異地居南華北葉竟何如丈夫大有千

秋業莫減風懷莫廢書

東勵  
令式

唐朝三百年天下甫白文章德裕才若道當時是  
麟鳳因何不到網中來

### 竹鑪

皇天分四時滄熱環轉屬夏扇俄棄捐冬鑪旋甄  
錄羈人尤苦寒支體動輒瘃溫房不入夢燠館無  
處築密密施簾幃重重傳茵褥已遭氣排撥長覺  
身蹉跎那無商陸火薰轅嫌太酷亦有博山香指  
掌敢頻觸適宜推范金承乏取斫竹緬彼烟雨姿  
盛夏却暑溽採作御冬具反用引炎熇橫從數百

片左右兩三掬蝸舍形凹中虹橋勢繚曲鐘縣底  
空洞箕斂口蹙縮擁腫宿瘡頸滑稽鴟夷腹輕如  
揭巾箱竦若翹帽屋柔疑執懿筐圓可轉炙轂馮  
高輒鼎立就俯乃螭伏攜持良甚便功用亦較速  
天地開洪爐鼓鞴及萬族眇然一微物煦嫗理具  
足用舍睽陰陽炎涼變融項寧甘手不炙略等背  
曾曝正當寒栗烈似與春攢簇附離昆吾瓦惟取  
質古樸羔袖非狐裘素衣豈朱褱辛勤三冬用苟  
簡百錢鬻參承几烏皮側近牀曲盃排嚴出戶牖  
送暖到衣袂外清無纖塵內熱非冷局碧鮮瘦巖

巖紅焰潛煜煜偶然投膏棗無意滴蟻淥袖籠拂  
氤氳筋夾帶馥郁昔汝偕朋儔渭濱與淇澳鉤牽  
入閨闈作使類僮僕薰籠熱因人子立甚慙忍夾  
膝寒到骨晚節宜屏逐惟女有兼長可以贊亭毒  
要當勤拂拭詎忍但蹋蹴朝提暫巡檐暮擁或經  
宿天風振鳥窠郊霰打牛日長街躑躅歸擁靨若  
凍粥實賴蘇手龜詎惟坦膚粟寒牕獵諸家隱帙  
堆百軸燈檠落殘燼扉榻下晴旭卽時在雪窖無  
地覓炭谷匪女相鬱蒸踵息脫雙足以茲極寶貴  
恩愛視骨肉每挈依縹緗間今侍衾襪冰肌賞蕭

疎丹懇荷含蓄案頭碧蟾蜍水膠去聲鳴角角攜之  
一相就忽聽瀉崖瀑硯池積霜稜堅白等切玉銷  
鑠指顧間染翰倏盈幅酒盃傾已畢茶鼎烹未熟  
得句方豪吟展卷甫疾讀藉其吐朱華激我聲振  
木磁罌及鐵鐺歲寒可共勗但恐灰不然突受田  
甲辱紅輪恰東昇六字耀龍燭

詠析分韻得三更二字

虎校巡初急人家寢未酣禁中屯衛八天外築城  
三街雪銜袍袖邊霜折劍鐔曾聞亞夫法不警壁  
東南

令嚴千里帳響答萬重城俠客無生氣閨人自遠  
情漏消沈箭滴丸應打牆聲宿火寒冰裏蒼茫報  
六更

題狄向濤庶常秋影草堂

小山瑟瑟霜風秋古香夜撲山之幽老根化作法  
雲檜細蕊簇成寒食毬五百年來封殖久暗折偷  
攀亦俱有雖然不免蠹一器到底能添陰十畝天  
邊何限却詵枝未審姮娥付與誰八萬二千脩月  
斧西河仙人默無語

題王赤抒竹深荷淨圖六首

選三

月曉風清千萬朶烟啼露壓雨三叢憑君領取朝  
來景總在無情有恨中  
籜龍日日遺新蛻玉蛹年年認故窠十里西湖千  
畝渭風流節物水邊多  
風翻竹影雨翻荷金碎珠跳一任他天際真人霞  
外想斷無塵點近烟蘿

四月二日同諸子集學人寓齋用昌黎短燈

繁歌韻

七襄雲錦繅絲長百金寶劍淬水光少年得意正  
如此又如快馬騰秋涼兩生同日掇高第

並指行  
拱樞

卷百軸猶堆牀招邀朋好忘主客元稹劉蕡俱有  
策玉輪擿飛雲路好紆朱寂寞草亭甘尚白合尊  
促坐繁花前玉瓶酒盡同醉眠老饕大嚼殊放恣  
陸磬駝峰水珠翠越王之膾良可嗟當筵半食還  
半棄

疊用昌黎韻柬學人

扶牀小姑如我長屋壁每分宵燭光花車出嫁我  
被斥一門姻黨生炎涼小姑雖嫁不稱意羅幃繡  
被嗟空牀我爲汝歌歌主客將身許人本無策東  
西食宿倘自由直要烏頭變成白勸汝不如椎髻

前操作井臼無安眠我因斥遣却驕恣摒擋裳衣  
拆鈿翠請看滿眼如花人保無團扇秋風棄

聞雁

前除置酒談竟日秋色滿眼何清佳一聲初雁忽  
相感霜信直逼長安街羈孤客子正無賴百事卒  
卒煎情懷三春刷羽到秋半棲息未定行藏乖萬  
重雲裏接哀響此境倍覺歸吾儕金風紫塞浩呼  
洶雪花早被千山崖雨城池邊冷透骨挈羣南徙  
依江淮寒河蘆葉頓銜盡橫絕蒼靄如檣排毛衣  
皎潔性高介叫空嘹唳非淫哇慈恩塔級衆翔集

亦或颺去天之涯山頭落翮不成字猶剩半折黃  
金釵雖謀稻梁有氣骨肯向沮洳尋蝦蟇江南八  
月烟水闊迴汀在渚流喈喈雕胡接呷易充腹勿  
慕爽塏嫌卑窪朔方健兒好彈汝肉登鼎俎翎盛  
鞞冥飛尚恐矰繳及斜戛莫與鷹鷂偕生平飲啄  
乃定分何地獨少雲霄階衡陽奇峰暫却轉永嘉  
有宕堪藏埋來賓終假上林宿鴛鴦行鳳侶鳴和諧  
撫絃目送碧天遠牕外素月窺蕭齋

江左十五子詩選卷五

江左十五子詩選卷六目次

商丘宋 犖牧仲選

毘陵邵長蘅子湘訂

商丘宋 致穉佳校

張大受

題徐大臨湖鄉小景三首 選二

答元龍

聽顧君言度曲四首 選二

慕廬先生奉 召賦呈四章 選二

題顧俠君秀埜草堂圖六首 選四

乙亥春暮再送孫范邨入都

過堯峰山房感鈍翁先生

擬凱歌四章 選三

冬夜寓齋寄詩社諸君子五首 選四

文點與也  
文按賓日

金侃亦陶  
顧嗣立俠君

寄籲三四首 選二

保定謁楊椒山先生祠

慶都縣城南一望民居無烟愴然作

漳河詠古六首 選三

呈田簣山先生 清流關詠古

清流道中梅花二首 選一

贈曹荔軒司農二首 選一

蝙蝠 別王誨存學使

晴川閣 魯肅廟

謝澤州先生惠葛 答劉介于六首 選三

畱宿秋堂贈李牟山四首 選二

秋夜雜書六首 選二

宋中謠 贈宋楷菴典籍

奉訪查客菰村草堂卽事

呈竹垞先生四十韻

答介于 與嗣宗文表夜話

支硎雜詠十首

選七

江左十五子詩選卷六目次

江左十五子詩選卷六

張大受

日容嘉定人  
著有清溪集

題徐大臨湖鄉小景三首

選二

鳥背嵐光過夕汀  
碎萍魚唼水花腥  
青山一角湖三面  
記是塘西乙未亭  
數家籬棘帶斜暉  
七十翁攜長鏡歸  
牽引吳牛亭子下  
刺人花腳野蚊飛

答元龍

竹裏清風樂有餘  
故人日下訊幽居  
不堪近似嵇中散  
但喜彈琴懶答書



聽顧君言度曲四首

選二

昨詔吳歛奉內廷笛周鼓沈總知名暢春按曲傳  
蘇四畱汝江南唱一聲

魏生弟子幾人存時曲崑腔次第論聞說蘇崑生  
第一眼中人數顧君言

慕廬先生奉召賦呈四章

選二

千載斯文仰退之起衰家法耳孫知齊梁格律鐘  
鏞振謨誥光芒日月垂誰作籍郊爲女和深知屈  
宋是吾師論經復到蘭臺署大筆還開玉檢基  
交無洛蜀本和衷雅量分明司馬同常以文章推

後輩久將政事付羣公委蛇晏退裘應敞狼籍髡  
畱酸莫空出處古來雲變化芳馨誰播史書中

題顧俠君秀埜草堂圖六首

選四

玉山秀埜雅相師好客開園各一時酒壘人都驚  
大敵詩壇我亦樹降旗

鸚鵡街西柳帶雅妙巖墳畔葉如花四圍木石三  
間屋盡寫風流屬顧家

丹鉛更點遺山筆甲乙重編拂水文元選不隨唐  
宋例近來詩律總輸君

君言歌曲震生簫送酒張燈每徹宵坐上舊人畱

若個渭城一句已覓消

乙亥春暮再送孫范邨入都

花開將離柳飛絮孫郎馬蹄向征路庚年爲客甲  
年歸歸時秋暮行春暮蘇秦縱喜腰懸黃潘岳曾  
嫌鬢垂素半年暫與故人親酒席歌場不論數明  
朝更對別離筵惱君不唱陽關句籃輦曉接西山  
塘畫船晚塞胥江渡梅青筍白堆滿盤糖雀冰鱖  
供下筯梨園雖老愛談陳供奉未還思老顧客醉  
狂歌我起舞奪將猜花爭大呼蘇州快活賽天堂  
長安卿相多思慕坐中遊子淚橫流手折珊瑚馬

蹄駐憶女舊遊同宋五憐渠六載都門住思家夢  
繞吳山雲歸颿定趁桃花雨

過堯峯山房感鈍翁先生

灑涕堯峯麓書堂閉綠苔丰標元禮峻經業鄭玄  
該宦拙生多忌名高沒不灰春風披舊澤秋日感  
重來屋缺蛛牽綴林枯鳥訴哀山幽高閣在虹燭  
御書開清節懸千仞遺文徧八垓嵇康琴寄託潘  
岳賦徘徊漫許成佳士空悲棄不才吟詩紅葉徑  
招鶴白雲隈後死誰傳述前賢獨挽推荒涼過別  
墅腹痛酌椒杯

擬凱歌四章

選三

樹映旌幢色花隨羽蓋飛當關鳴晚柝殘雪點征  
衣扈蹕饒餘勇籌邊早決機幕南馳尺紙萬里震  
皇威

大帥停輦鼓諸蕃畏簡書共謀擒頡利深喜服夫  
餘衆正師中吉橫行漠北虛暮笳吹一曲早繫小  
單于

司馬功俱錄春官禮必嚴燔柴天地肅執瓚廟壇  
兼 文母徽音嗣黎民雨露沾獨崇謙讓德澹漠  
媿黃炎

冬夜寓齋寄詩社諸君子五首

選四

文點與也

待詔風流長相君名節峻養真竹塢中朱顏映霜  
鬢不見柴桑人著書年繫晉龍沈水萬丈鶴立岡  
千仞神清一段冰挹之玉溫潤詩翰畫三絕技道  
竝精進每展清溪圖鄉夢碧粼粼仍歸結社游豈  
以心亂擯

金侃亦陶

霜林有小隱所食薇與蕨仰觀君子心澹若寒空  
月纍纍貫羣書吐屬競秀發餘事山水花豪素凜

風骨出門違杖屨一載塵汨汨比來念家鄉文字  
飲都歇七十二峯間錦楓散林樾卻杖身獨游頂  
露腳不襪

文揆賓日

外兄吾所仰鴻鵠冥冥翔不游亦不宦閉戶停雲  
傍故紙筐篋物勝似黃金藏清詩得道髓澹墨梅  
花香瘠田數十畝課耕祈雨暘長鬢與赤腳差免  
凍餒傷長安滯小弟落葉天蒼茫風雨鳴不已詩  
外札一行

顧嗣立俠君

秀埜作詩人乾坤吐清氣驕驪苦伏櫪家產結客  
費雕鐫古人集芒采逼象緯尙聞蓼莪篇卒讀每  
歔歔孝友心所欽澹交有餘味子出我未從我游  
子歸旣兩載別如雨筆研塵網罽便約畏壘還及  
春梅開未

寄顓三四首 選二

四十明朝過浮生一半多買書金欲盡投筆槩能  
摩不媚虞翻骨謹呼夏統歌把杯澆魂礪遮莫歎  
蹉跎

飲酒皆名士輸家漸列卿笑人常寂寂行已獨硜

經擊劍心寧死彈碁恨不平布衣豪氣在那羨百  
城榮

保定謁楊椒山先生祠

忠愍祠畱後代看殺身容易格君難城邊馬躡層  
冰裂戟上烏號落日寒殄瘁莫延明社稷清高空  
肅漢衣冠茫茫車跡過塵土怕踏萇弘舊染丹

慶都縣城南一望民居無煙愴然作

秋來雨雹徧畿南鴻散荒村望不堪縣吏莫矜征  
斂巧總多鞭撻少丁男

漳河詠古六首

選三

駐馬閑尋漳水濱當年銅雀漫深春英雄恨不吞  
吳蜀詭作分香賣履人

倡女曾塗寢殿椒夜遊哀怨入笙簫佳人燕趙知  
多少莫羨江南大小喬

才人從獵賦詩還文采風流父子間雲散舊遊悲  
季重古臺埋石繞潺湲

呈田簣山先生

十日住睢州載謁田夫子傍郭築版屋雪積紆行  
履向晚臥藤牀近身橫素几客拜亟起迎貌古翩  
進止發言如彈琴松風洗人耳上論先聖經旁通

歷代史伏毛義不磨章句抉精髓鏡炯珠貫穿興  
衰識至理排盪滄海闌捩柁到涯涘後生指迷惑  
從此自鞭箠此鄉司空亡海內失柱砥風流見老  
成如魯靈光歸守待同一綫今昔雜悲喜夫子七  
十餘皤髮氣吞兕胡不駕蒲車徵賢振頽靡執爵  
拜師傅教由胄子始有造分四科皞皞尊德齒才  
難詎不然虞周景遺軌此別千里江悠悠思無已  
勿惜遺藥言疊疊月數紙恍從几杖游惠和春風  
裏明朝出西門下馬重徙倚

清流關詠古

樹障重雲鳥跼山中原旗幟望空還風流後主躄  
歌舞不閉南朝第一關  
半疊霓裳舞未休宋師不覺到清流可憐百戰南  
唐將莫爲宮中大小周  
玉笙吹徹小樓寒誰念東南戰血乾夢斷故宮凋  
夜合西風飛角過磨盤  
一鼓關前暉鳳擒降王片紙出澄心東流只有春  
江水每念家山淚不禁

清流道中梅花二首

選一

駐馬清流香氣吹東風漸近落花時可憐躑躅關

山客才見江南第一枝

贈曹荔軒司農二首 選一

多才魏公子援筆詩立成有時自傅粉拍袒舞縱  
橫跳丸擊劍訖何如邯鄲生風流豈已矣繼擅黃  
初名百家肉貫串大雅心所傾餘事都妙絕叱咤  
千夫驚當時應劉輩孰敢靡壘旌區區江東客迺  
恥城下盟

蝙蝠

老屋百尺空百蟲據作舍墨黑怪蝙蝠倒挂首欲  
下白日潛影伏昏暮飛不暇偪處臥榻間瑣瑣引

姻婭能飛鳥殊族栩栩異蝶化雕梁匪女巢與燕  
爭晝夜腹飢訴鳳皇鳳睡厭蟲詐卻向陰廊飛颺  
嵐冀躡藉物性互強弱爲女引彈射乾坤廣生育  
充塞無孔罅蟣蝨生我牀花腳蚊鬧夏蒼蠅晝競  
食蜈蚣蜚可怕此物最良善貼壁蟾子亞兒童誤  
黏取欲殺亟令赦仰天絕纖翳清光萬里瀉憐女  
無處所斲覆青羅帕

別王誨存學使

日月迥照川迴瀾雲龍上下孟與韓人生會合良  
不偶文章邈若翔神鸞烏衣公子才百斛繩武再

蒞章江干此邦風氣奮六一曾黃執弭同登壇道  
園曼碩擅臺閣後來文格齊噴吮辦香流傳忽急  
絕近望四子塵漫漫使君懷古致蕭爽赤手直鼓  
鵬風搏掃除荆榛剖玉石潛蛟下釣珊瑚竿倚竹  
佳人問空谷惠風盈袖吹芳蘭山川潤色百怪伏  
騰譽士口驚朝端賤子讀書嗜頗癖騎驢落葉愁  
長安感君攜我作賓客報答那惜傾心肝士安風  
痺長卿渴中年傷極悲與歡山妻寄書稚子怒生  
徒星散經荒殘江南鱸肥蓴菜滑倚船吹篴東湖  
湍一壺炯覺萬緣息天地容我放眼看向稽軒羲

訖百代別裁羣籍勤鉛丹吳中儒雅先後繼此志  
倘遂甘瓢簞使君政成行拔擢前羅祭戟後綺紈  
招我狂歌劍斫地高論世事還三歎

晴川閣

一上晴川望乾坤翠碧間江流懸蜀道漢水沂秦  
關舟小魚龍狎城荒鳥雀閒秋風吹逆旅未老悴  
朱顏

魯肅廟

闊達謀吳策幾微保漢心才爭公瑾拙道契武侯  
深夏口帆初上龜山廟至今靈風吹赤壁城北雨



沈沈

謝澤州先生惠葛

都門四月炎揮雨汗霑泚單著木綿衣垢膩積難  
洗西山一束葛雙絨長跪成萬縷密於絲鮫人織  
海底觸手冰稜稜泣眼露泥泥裁縫合端正被服  
稱骨體涼颺沁肺肝內熱斷根柢勿云草服賤厚  
意感可涕采葛自中谷當暑聖有禮直需此萬疋  
儒衣表濟濟還憐赤日中役夫炙其髀焉得縐絺  
蒙臣朔效呼陞

答劉介于六首

選三

詩人漫許數劉張吳雨燕塵雁失行轉愛畫欄花  
月夜烏絲紅袖占千場

詞伯斷推韓吏部劇憐張籍與劉叉長安躑躅琴  
空碎把卷長吟到海涯

此別優游老匠門桃花夾路杏成村耦耕合待谿  
南老泥飲將詩與細論

畱宿秋堂贈李牟山四首

選二

重趼尋吾友開顏見古人自呼兒女拜直比弟兄  
親今夜阿綿語憐耶多病身秋堂定畱飲情話翦  
燈頻

今是園何曠西征記最雄清芬廉吏後盛事布衣  
中二頃無儲麥三年類轉蓬君才須繼述未合遂  
奇窮

秋夜雜書六首 選二

滿眼滔滔待濟誰此心多半濯涼颼六經餘子空  
成劫八代前賢獨起衰大有蚊蠅趨熱徑可無鸞  
鳳嘯高枝歸來荷蓀秋原外任運忘形且已而  
銜恩回憶夜何長吹拂虛名動遠方蚤有荀袁推  
叔度寧惟沈范賞何郎堯峯許領東南雋吏部容  
先弟子行更感白頭朱檢討苦將塵劍拭光芒

宋中謠

虎如吏黠如童誰其捋虎牙如鋒豹救爾黠以皮  
蒙

贈宋楷菴典籍

菰村草堂無俗客西鄰宋丈工著書一官頭白本  
樗散五字心清渾玉如終日憂民耽諷諭何人厚  
祿負居諸志成闕里流傳遠郁郁秦灰魯壁餘

楷菴

預修廣  
闕里志

奉訪查客菰村草堂卽事

相思要剪吳淞水移爾圖書置榻几興來鼓柂涼

秋天安我林亭具嘉旨清卿之後神僊才別久愁  
深見翻喜池中鳧鷖不避人芙蓉作花柳枝委尚  
論軒羲下百家浩歎時世評人士當今 天子訪  
遺佚肯放麒麟羣鹿豕石渠講論柏梁歌餘事南  
山石沒矢小隱蘅臯樂更多瓦盃銅鑪信幽詭門  
外常停百濟舟庫中寫盡山陰紙世人管鮑交已  
矣我輩肝腸照清泚休彈寶劍舞鳴鷄且續紅鐙  
傾酒匝相交異姓若同室自顧綿郎輸犢子焉得  
卜築東西鄰並嘯秋原話耘耔嫁娶自昔畫朱陳  
鬢髮他時皓園綺明朝抱琴游海厓再過朱弦仍

拂指玉山蓬臺今見誰來往煙波傲金紫

呈竹垞先生四十韻

日月懸鴻筆江湖伴釣翁斯文如一髮此老不三  
公世溯玄成相生稱江夏童異書都默識疑義若  
昭矇瑚璉珍初待金刀數正終蘭成深竄谷王粲  
早飄蓬寄興滄溟外悲訝燕趙中揮箋迴雪白拍  
板落花紅劍拔看天小觴浮覺海空但隨遊野豕  
未卜漸遠鴻當代旁求說盈朝並薦雄對揚欽學  
邃拔擢荷恩隆太白官供奉龍門史折衷掄才弘  
鐵網按藝拭青銅書卷裝歸橐神仙近法宮騎將

天廐駿捧出 御書虹自此期調鼎無端怨失弓  
歸來操翰墨吟嘯脫樊籠醜舫波還汎書亭日久  
烘聖經羅象緯物理析魚蟲注地酈元似論詩蕭  
統同采飛神每助斤運帝無功鳳小能翔漢蘭摧  
莫叫穹暮年餘慟哭篤志益明聰鹿引晨穿屐龍  
聽夕倚篷門生輿請舁朝士刺求通斯畫珊瑚缺  
邕文金帛充共知占蔚豹仍望載非熊小子勞鑽  
仰先生發覆蒙逢人憐抱璞知己撫炊桐再謁鴛  
湖曲高譚桂樹叢森森開武庫藹藹挹春風世路  
誰輕薄耆儒只固窮養心欣事簡餬口幸年豐角

里芝徒采春卿爵可崇人情畱樸拙天氣值和融  
三歲依門下千秋歎道東經營慚小技雕斲冀良  
工廣樂陳鼓羽凡民警贖聾升堂私有願陶冶及  
纖洪

答介子

靈芝出空谷黯黯摧風霜鳳鳥失竹實栖栖求稻  
梁讀子百韻詩使我心悲傷從子十年遊比來忽  
分張昔與顧徐輩百戰翰墨場宿老執牛耳結交  
通車航飲酒過三爵授簡情飛揚湖山奪靈秀花  
草蹇厥芳劍客怒起舞按拍啼紅粧行樂曾幾時

飢驅行路旁策馬飛孤峻渡船河流黃載謁韓夫  
子三歎風雅章推子今獨步獄劍衝星光 鸞輅  
幸南國網羅到菰蔣不才空棄置子賦深自藏每  
與公卿論薦辟舊所嘗布衣有此器亟當貢明堂  
如何困旅食揭帷塵堆牀苦吟寄南雁義感朋舊  
長纍纍若珠貫悠然松吹簧遂令和者寡眼望流  
浪浪賤子歸匠門清溪臨其陽灑掃先人廬檢視  
經滿箱兀兀勤點勘遺訓心恐忘矧感二三子時  
時鍼膏肓何敢嬾不學不殖先疇荒新年竹垞至  
負弩先戎行千里來高李靡旌各相當儒林樹隄

障迴彼波瀾狂念子彌慘慘何術叩 帝閭有田  
學長統安神於閨房圖書適吾素焉用鳴鸞瑒吳  
髯瑚璉質 賜書欽垂裳所獻仍被削待詔如東  
方煩子致相憶無翼堪頡頏立身冀努力報德惟  
此將知我者鮑子磊落羞空囊薇蕨亦可采曷不  
還故鄉當今清晏世濟濟居巖廊野人但擊壤所  
樂殊未央孟夏薰風吹水閣何清涼願與子偕處  
效彼雙鴛鴦

與嗣宗文表夜話

琴彈千載調聽者四座滿惛惛識此心何人似中

散孟夏薰風來高梧月如澣喜與顧徐語若然導  
厥窾讀書綱領得節目細排纂落筆瀉原泉足潤  
千畝曠吾師往者儒清廟秉圭瓚時俗苦繆悠俯  
闕墻屋短有言窮不信使我心如瘡落落得其朋  
飲酒樂且衍夜涼各搜衣言歸步仍嬾會合命自  
天一綫使司管

支硎雜詠十首

選七

春染裙腰似翦齊畫船銜尾出城西紅桃勾引臨  
波笑黃鳥逢迎帶露啼

塘角樓船駐不開石橋低處竹兜來官搖紅旆奴

騎馬并作春游鬧似雷

眼望南塘又北塘叢叢紅紫豔朝陽報恩莫問支  
公法求福齊燒大士香

斜度松棚曲繞樓隔花重整玉搔頭輿丁橫索錢  
沽酒要上華山絕頂游

黃蜂紫燕簇如雲徑轉寒山過趙墳欄畔池飛千  
尺雪煖融春已合前裙

山水音兼絲竹論杯杵行處卽林園鼓金笛沈知  
名久踞石臨池打十番

紅鬮揄擁鬢如鴉賞徧桃花接菜花縞袂最憐村

婦好焙籠要試雨前茶

江左十五子詩選卷六

江左十五子詩選卷七月次

商丘宋

犖牧仲選

毗陵邵長蘅子湘訂

商丘宋 筠蘭揮校

楊 綸

章江感懷

哀南州行 有序

雨中短歌

遊廬山三首 選一

匡廬歌

阻風珠磯

舟行感事四首 選一

猛虎行

將至整陽落日銜山寒烟沒野漫成絕句

旅舍雜記十首 選四

邗江龍舟詞六首 選四

渡江作

己巳五日載酒東山雲風堂故址成二十韻  
章門送友二首 選一

初春書事六首 選一

五日泛舟琵琶湖同子湘先生作六首 選四

重九日過北蘭寺恭和宋大中丞原韻六

首兼呈澹公 選一

夾山泉曉發

和東坡山谷先生種菜

孔雀

辛未二月奉使致祀康山忠臣廟入湖

三十里波恬風靜甫至岸狂風大作檣

櫓不寧詩以紀事

題暉南田長幅山水

甲戌立春日將之普安發淮陰舟中作

荆江途中口占四首 選一

五日舟行洞庭湖歌

上灘行 青琅灘

溪上 白龍岩放歌



辰溪縣對江碧水丹山

自辰溪南行峭壁夾峙怪詭屢出卽事有  
紀  
鷓鴣灘紀事

江行四首

選三

觀象歌

發相見坡

華巖洞

飛雲巖

黎峨道中和田綸霞司寇壁間韻

點夫行

夜觀燒山

四十八灣箐二百字

索夫謠

普安燈詞六首

選二

余自入蠻荒以來茹蔬斷酒幾同枯禪乙

亥十月有事赴新城飲於寮友寓廬沈

酣大醉歸時獨倚僧樓千山翠黛萬壑

笙簫倚欄孤坐回想昔時舊遊何地香

山夜聽琵琶始知有遷謫意余今日乃

知身在蠻方也醉中成十二截句詞無

倫次見者當不於章法求工也十月望

後一日識

選一

荒齋三首

黔陽雜詠八首

選一

舟泊富家基

五月二十五日洞庭湖看夕照歌

放魚行

出洞庭湖舟泊揚鈴磯

江夏贈沔陽牧晉次公二首

選一

江左十五子詩選卷七目次

江左十五子詩選卷七

楊綸

青邨武進人著有  
吹萬集天外集

章江感懷

朝過彭蠡澤暮泊章江濱  
章江風雨惡煙水遙冥  
冥忽憶西遊輕跋涉  
三湘七澤時窮極  
炎風毒瘴過夜郎  
蛟龍潛盤水深黑  
巖雲百結浪盤渦  
日光磷磷少顏色  
飛鳶跼跼墮水中  
瘴雨朝來暗如墨  
其時行人慘不歡  
酒闌常歌蜀道難  
五年踪跡多聊落  
撫膺往事增悲酸  
蓼莪廢讀傷懷抱  
飢來驅人涉遠道  
篷牕無夢苦思鄉  
那堪夜雨聲琳琅  
十

日九日陰雲暝惡風吼浪兼天狂恐是蛟龍逆鱗  
怒張涎奮鬣相撐拒又恐鯨鯢夜徙淵雷雨震蕩  
互吞吐獨客他鄉忽此時杯殘燭跋光熹微牀頭  
古劍深夜吼倚舷大叫稱絕奇

哀南州行

有序

憶戊申秋先府君自詞館謫宦洪都曾卜宅於  
東湖之濱蒼涯一曲衡門兩版榜其廬曰楊子  
居采文石于西山疏清流于南浦堂前百頃澄  
波門外五株楊柳編枳爲籬修藤成架素馨盈  
幄都蔗爲鄉且致酒蘭陵探書禹穴一時名彥

雲集高會置酒拈管篋牋吟諷纍纍傳爲盛事  
閱數年滇南變起會城兵馬蹂躪舊宅荒蕪而  
先府君亦以一官萍梗十年之間馳驅萬里蠻  
烟瘴雨艱險備嘗甲子春履任山左臬憲甫及  
半年遽捐賓客痛哉今年秋榆服闋重過南州  
一二故老猶能言之有至欷歔泣下者榆感事  
撫時一慟幾絕長歌當哭名曰哀南州行

章江風雨連滄溟空堂颯颯悲蕭晨擁燈兀坐不  
成寐撫今感昔涕沾巾孤兒悽愴話疇昔先帝  
侍臣稱逐客十月霜天吼朔風扁舟破浪來彭澤

彭澤由來古盛名濁醪清句弔淵明積雪夜過樵  
舍驛衝寒早上灌嬰城徐孺空亭聊寄宅蘇翁荒  
圃結茅衡衡門清絕稱楊子牽船補屋隨流水共  
道仙人白石樓誰知處士青門里西偏隙地敞虛  
堂披襟對客歌大荒自古詩人羈異域由來遷客  
遍江鄉長江雪浪奔如雷季父乘風千里來吾家  
孝友敦同氣入門握手無塵埃經旬風雨聯牀宿  
開書夜半擎燈讀三年一見抵瓊瑤弟勸兄酬須  
百斛春風詩酒真人豪拚將蹤跡混漁樵江州度  
曲白司馬東閣裁詩何水曹那知人事多興廢瞥

眼風光如作戲洗馬池邊枹鼓鳴投書渚畔悲笳  
起全家相對盡倉皇鱸膾蓴羹憶故鄉登閣最愁  
烽火近艤舟却恐道途長嚴霜鐵騎來千匹征西  
將軍推第一河上逍遙白馬軍草間潛伏黃巾賊  
鄂渚烽埃鬼火燐青苔白骨久成塵萬里北來鴻  
不到一官南去冷如冰蠻鄉犴嶺長途惡瘴霧荒  
烟雲外薄鵲華峰前詔甫除馬嘶夜半驚星落黃  
河夜度泣孤舟馬鬣初封土一杯饑來驅人辭故  
里衝風逆浪來南州傍徨念昔增三歎亂莎野鳥  
傷空館槿籬藥圃半無門垂藤僵柳還依岸舊時

題詠已封塵當日松杉手澤存鄒枚客館傷奔兔  
庾信荒居叫斷猿白頭野叟猶能說回思往事沾  
胸臆空齋夜雨聲淒淒燭花暗結無顏色嗟乎荒  
城芳草空菲菲曲榭迴堂事已非惟有舊時巢燕  
子銜泥還傍主人飛

雨中短歌

章江夜雨連天沒寒雲漠漠行人絕城門達旦常  
不開城上頽垣已再缺牀頭積潦青苔浮人家避  
水多危樓休燈電影半明滅昏鴉挾子聲啾啾

遊廬山三首

選一

碁聲深院掩柴扉澗瀨霏霏人語稀野衲聞鐘衝  
雨去溪橋送客踏雲歸巖花暗落桐花帽敗葉時  
侵榭葉衣拾得墮巢供茗戰閒從石上看蛟飛

匡廬歌

平明迎日上廬嶽春山滌翠清如濯攀蘿直上三  
萬級側身蟠走如飛鶴雲粼粼花冥冥劃然巨靈  
劈千丈瀉出萬派洪濤聲耳目蕩漾不能主恍如  
坐我於滄瀛滄瀛風雨不可測中有一人不相識  
回頭笑指遊涇濛導余絳節雙玉童呼吸帝座隨  
清風俯視一一金芙蓉白雲如綿滿空谷乘此欲

與天庭通拍肩笑問洪先生口吹玉笛銀河傾山  
中木葉蕭蕭響下界疑爲鸞鳳鳴襍牋授蕭史共  
飲白玉醴長觥傾倒慎莫辭醉眠石上呼不起白  
猿蒼鳥莫相猜前五百年曾住此

阻風珠磯

羣山如螺髻過雨弄修帔綠水如玻璃淪漪積深  
翠舟行隨浩蕩浮漚乾坤內倒景吞雲霞寒光互  
顯晦六月暑氣清魚龍貪晝睡長嘯擊棹歌臥待  
清風至雅志輕滄溟曠觀渺湖海前行不可測惡  
浪排空翅巨波含洞庭霧氣連蒼昧柁師失徑途

顧視心欲悸謂須此艤舟莫與蛟鼉試豈知天壤  
間萬事倏如戲須臾風澹蕩舟子喜無似打鼓爭  
歌呼張帆渺無際

舟行感事四首

選一

絕嶂橫空一鳥回江聲不斷暮雲哀黃州木落冷  
歸夢赤壁秋清寒酒杯出水魚肥論網買入雲山  
遠帶晴開自傷踪跡遊僧似破衲飄然任往來

猛虎行

山南白晝猛虎來柴門竟日常不開村東少婦血  
漬草村西老翁骨成堆官府明文下獵徒村舍奔

走相號呼入門不顧索雞酒由來苛政猛於菟亦  
毋張爾弓亦毋亡爾鏃明朝羣起頌相公虎畏相  
公渡河北

將至螯陽落日銜山寒烟沒野漫成絕句

夕陽衰草沒荒蕪月起前却澹欲無濕雪冷烟誰  
畫得右丞詩寫輞川圖

旅舍雜記十首

選四

青油小幕錦紋鞍合縫花靴髮兩盤燕九咬春西  
便路來朝浴佛過梅檀

絲帷鈿轂走輕雲窄袖宮衣窄地裙寒食燕泥晴

上冢日斜聞哭故將軍

僧齋行藥日遲遲柏子閒燒篆影移濁酒濕煤寒  
夜雨挑燈新譜竹枝詞

輕明珠箔玉堦墀急拍迴腔細若絲曾憶藥欄東  
畔見江南五度落花時

邗江龍舟詞六首

選四

珠簾畫舫碧波紋杏子花衫薄似雲艾鬢巧成蘭  
葉髻榴風颺起藕絲裙

御柳迎風細似絲錦帆銜尾鷲波時傷心斜日雷  
塘路猶把當年水調吹

日落征帆沒遠坡暖風如醉撲香莎玉簫齊唱江  
南曲碎雨零烟葬阿麼

心情老去不堪持長日歸帆譜竹枝紅板橋頭明  
月夜一杯還酹杜分司

渡江作

曉景半明滅春流澹欲傾櫓浮連夜雨帆落半江  
晴風急疎鐘杳波平放棹輕柁樓長嘯去漠漠水  
烟橫

己巳五日載酒東山雲風堂故址成二十韻

積雨洗街泥浮雲澹天碧薰風一夜來南湖菱帶

滑我生苦勞形夜臥夢壓魄對此良辰歡每苦簿  
領迫有暇輒登樓潭水深百尺故人輕帆過開齋  
得佳客早衙放吏散彈琴就花席快覩青芙蓉一  
一捲螺額因偕竹林賢同著阮公屐初行喜路幽  
漸入忽山砦夏木千章清溪雲萬重白遠眺極平  
疇繡錯連阡陌人家半臨水亦或倚危石松灣漁  
艇過沙禽鳴格格吾徒文字飲江山清獻節酒甕  
黃封開茶經南董繹觴政亦清嚴古竈頗奇突晚  
霞弄晴景水氣江村隔佳會繼南皮新詩追謝客  
歸來坐蕉陰展葉大書擘



章門送友二首 選一

霜信初寒斷水痕  
天空黃葉滿江村  
西風歸雁征帆穩  
夜送輕帆過白門

初春書事六首 選一

買樹頻分俸  
看花欲典衣  
嫩醅冬底熟  
殘萼雨中稀  
晚岫依江出  
疎簾看鳥歸  
更驚春事早  
新柳妬羅幃

五日泛舟琵琶湖同子湘先生作六首 選四

簿領初閒早  
放衙樓頭臥  
看雨絲斜  
津亭小吏當  
關報昨夜連  
江水漲沙

湖堤眠柳拂船低  
過雨螺峰綰髻齊  
載酒臥看山色好  
榜舟移向白雲西  
一縷殘虹挾雨回  
平堤十里響輕雷  
麥黃秧碧西溪路  
荷鍤爭看長令來  
春漲新添接岸平  
隔江好聽踏歌聲  
歸橈柔櫓中流急  
白鷺驚飛釣艇橫

重九日過北蘭寺恭和宋大中丞原韻六首

兼呈澹公 選一

秋堂桂冷露華滋  
曉起看雲半在池  
一縷茶烟人定後  
芭蕉綠暗雨來時

夾山泉曉發

空山無行人夾路見修竹溪寒石磴微炊烟出茅  
屋晨霜滑馬蹄巢鳥飛復宿扣舷語篙師初日照  
林麓

和東坡山谷先生種菜

北菜肥甘如切玉江南食笋連山竹於越地苦兩  
俱無惟食鹽梅雜麇粥官衙隙地作畦圃種蔬之  
外兼杭菘菰名折項莧子赤黃芽種異間蒼菘霜  
刀削菹訝同色芼以薑橙翻手熟煮豇泣釜燃枯  
其菌子驚雷色如瑤長腰粒白軟火炊絕勝飽啖

花豬肉長鬚蒼奴遶籬行慣執鷄嘴手皸瘃吾徒  
一飯已快意百錢屬饜猶爲辱晴牕曝背一欣然  
行廚香飽盃中粟

孔雀

在昔名家禽於詩比秦客常誇品類奇紀實載誌  
冊颶風來炎州指車款南譯貴因從雕籠遠多乘  
市舶舞並荳蔻圖名列珍鳥籍月扇隋宮圓飛旂  
漢殿惜綠蕤長垂冠碧光炯閃覘引頸首漫翹竦  
翅肩難拍旣以艷羽毛亦復見骨格團如垂車輪  
翠似點粧額行或如鵠停聲應笑鼠嚇喜卽作舞

旋怒因畏逼責啄食惟稻梁搜尋到牙螯絢采疑  
霞蒸瑤璫快霧圻空欲振風翎閒思奮健翮嶺南  
佳麗地洲島非逼迫榕樹鳴鷓鴣古堠呼格磔杜  
鵲聲多哀翡翠色偏赫山雞吐紅霞海鷗嗔避席  
石燕雙飛輕文雀五色奕雲白堪辟蛇鷄鷄常引  
戟秦吉異產佳鸚鵡隴頭隔朝入庾嶺空暮歸瘴  
海夕似此金翠禽豈非鳥中伯翻棲宜高枝照水  
矜麗澤啄食香粒餘防牛飲泉擇臨軒喜張舞綠  
徑苦隘窄衣維雜赭黃色或間蒼赤屏常曉開雲  
林暮深藏碧傍風時作聲當堦勢如擲羽織黼黻

章圖畫王孫宅聞與花蕊榮常於元圃適故巢渺  
雲海寄身笑肥瘠獻尾滇池來拾翠瘴烟獲雷行  
感生氣青霄喜托迹遠作紅樓望應受丹梯役拈  
筆對屏風摘句愧攬撫

辛未二月奉使致祀康山忠臣廟入湖三  
十里波恬風靜甫至岸狂風大作檣櫓不寧

詩以紀事

鄱湖綿衍三百里涵虛萬象勢無似水天一色欲  
辨難但有元氣相推抵往日乘帆捩舵行排空黑  
浪沒江豕篙師相誠勿戲言匡廬秀色莫敢指今

年二月戊午日日當上戊越上巳維彼康山大忠  
烈歲命有司肅將祀楡也備員屬下風敢勿恪虔  
克是使黎明戒僕急就道輕帆掉向烟波裏雪消  
新漲春水船如登天上駕飛駛鳧鷖拍拍水光淨  
羣峰修螺披綠綺靴紋浪小碧激灩卵色天空雲  
披靡須臾畫角停春帆回顧碧海光瀾瀾繼而風  
猛撼古樹疑有靈物相訶詆乃知頃刻變化間益  
信神力方如此憶昔明祖平陳時時維建國纔八  
祀鯨鯢負勢最崛強妖芒黑青彭湖恃長江木梯  
蔽空來樓船十萬江頭艤舳艦銜尾開黃屋旗鏊

踵蓋飛赤鯉怒濤翻日日光薄幢艨觸山山勢起  
鮫人河伯爭效命齊執纛韃隨鞭弭中有勇將獨  
英傑晨曦殺賊至日晷或如紀信不顧身或如萬  
春中六矢或奮呼敵突重圍或執短刃刳野兕或  
因牛車用火攻或如龍戰相角觝斯時日月爲之  
昏雄劍羣鳴血花紫遂使前徒已倒戈三百箕裘  
定于是汀洲寂寂悲青燐霜月娟娟照殘鎧曾師  
夜半拾古鏃估客艤舟看廢壘嗚呼丈夫生死貴  
合義馬革裹尸真足喜假使平陳無此人百萬從  
龍盡堪恥我今拜公淚嗚咽千年白骨空江委我

今拜公肅敬恭百世遺芳垂柱史公靈當在康湖  
間竈鼉夜去蛟龍徙公靈直與天地存山河不改  
華嶽峙靈旗翩翩雲滿湖陰風颯颯陳酒醴烏羊  
白豕歲嘗薦何處招魂一翦紙

題暉南田長幅山水

南田先生老經儒胸中百萬江山圖偶然振筆一  
揮寫氣象已與人間殊清溪百尺水渺渺沙回雲  
滿征帆孤近村小橋接溪路春堤草色靡平蕪忽  
然巨靈神斧劈瀉出萬派跳江珠高嵐夜嘯碧峰  
墮烟樹雨密聲疎疎凝眸熟視獨良久疑有神鬼

與之俱因知此中大變化戲幻筆墨於須臾一草  
一石有真意純是神肖非形模當其展紙時意象  
何徐徐筆所未到氣已到蠻君鬼伯如驅奴及其  
山勢稍窮處畫雖已盡神有餘譬如鮮卑策快馬  
能得抑縱供馳驅須知先生實詩老落筆真可繼  
王盧間作書法乃大妙折釵屋漏言非誣行年五  
十不得志長視富貴如有無能事散出作筆墨聊  
寫大塊爲區區吾吳昔推石田子品格彷彿追倪  
迂今觀此畫實神駿高堂素壁烟生裾奔濤百丈  
石崖古如有水勢常相呼晴牕臥對意殊快攬身

欲入神先祖何時辦却幾緬屐爲登絕頂攀高梧  
中山忽作鸞鳳響喚起蘇門長嘯徒

甲戌立春日將之普安發淮陰舟中作

無端挽馬過兩年走京甸積淫泥沒踝旋風沙撲  
面儻居苦偏仄徒步甘辱賤六謁銓司尊摩肩盡  
冠弁才羅萬選錢徑捷三語掾經年住長安季子  
黑貂變得官何足多還鄉實堪戀除書前月下遠  
徼過瀕灑萬里予曾遊一裝詎易繕况茲徧小邑  
艱難經百戰昔去當亂離今來幸清晏 君王一  
有命敢以寒苦念緬思先澤存棠陰足繾綣翻然

出國門祖帳渭橋餞山程及水驛排日流清盼溪  
魚晚市得驚麈空林見只愁北風豪雪花大如片  
誰知蔚藍天皎出明霞練短莎踏平苔岸柳搖微  
綫矮壁題新詩野寺搜破硯浹旬過燕齊逾歲轉  
淮汴長淮春雨渾帆輕駛如箭一發三百里速若  
置郵傳信知非天厄任運戒嗔羨今朝翻日曆首  
春月初建宜晴反值雨占候信有驗吳越昨歲儉  
水旱民力倦小民望豐穰日夜切壇墀誰將監門  
圖竟達承明殿欲言且闕語憂國讓羣彥

荆江途中口占四首

選一

赤壁居然起壯圖石頭渡口草薜蘿  
智如魏武猶難料語及周郎尚可呼  
地下有靈應識我當年無亮不成吳  
書生亦解興亡事說與樵人併釣徒

嘉過

魚赤  
壁下

五日舟行洞庭湖歌

我生大言好迂怪常思起蟄鞭蛟龍  
北遊青齊過溟澥東觀海勢畱吳淞  
竭來南遷更遠險要我直覽江源窮  
漢陽渡頭跨黃鶴彭蠡湖口聞山鐘  
天公假我三日便馬當怪夢飄神風  
岳州城頭坐樓望混茫一氣有無中  
東湖西湖勢相繞君山扁山

何龍蔥波痕欲撼城角缺水勢直與天源通  
凌晨張帆向空際鳧鷖拍拍雲濛濛  
平鋪泛碧萬千頃特立添黛三兩峰  
四天不見湘草軟一色惟見湖光空  
有時波紋融日影倒垂簾箔磨青銅  
近來浮家苦偏窄推牕一寄開心胸  
狂歌長嘯忽大叫吾輩何日離牢籠  
下牀濯足萬里遠譬策駿馬追飛鴻  
措身無地寄湖海隨天有願依艫艨  
君試開樽泛大白秦皇當日真姦雄  
涉湖風雷偶然作赭山伐木搜蛟宮  
暴君聊逞一時快詎念砥柱千年功  
東風更酌汝杯酒爲我弔屈幽蘭叢  
綵絲解糶今

日事汨羅之水流淙淙丈夫際此忽慨歎舉杯不  
覺憂來攻停帆瞬目三百里船頭日落青山紅

上灘行

楸船銜尾接結幫同上灘灘深既苦溜灘淺常苦  
乾前灘勢高逾十尺後灘粼粼全積石天風鼓動  
馮夷宮怒濤捲起蛟鼉宅牽船百丈山之巔樹木  
蒙密相連蜷篙工舵師齊用命竹木邪濳聲喧闐  
篙深行一尺槳蕩行一寸石灘行既遠沙灘行漸  
近吾觀牂牁之水從天來千流萬派如奔雷豈其  
中有不平事萬古與石相喧逐蠻鄉犵嶺不可住

滔滔日夜東流去昔年多事馬相如傳車遠闕西  
南路君不見黯淡灘兼惶恐灘瞿塘灑瀕欲過難  
迴瀾急溜休停棹淺渚微波好把竿

青琅灘

桃源掛帆三日行峰峰回互如有情前山鬱鬱插  
天際霧氣展合俄陰晴沅江之水百千曲萬古與  
石相抵觸波移壘嶂千樹青雨散平篙一池綠尤  
其險者惟青琅四十里峽如平羌三千水犀射潮  
退十萬勁弩剝蛟僵聲排雷電掣天吼氣飽烟霧  
埋雲黃篙工色沮舵師駭間容一艇猶絲量牽繩



百丈臨石窟壁色怪立如積鐵崖浮月宅不露根  
樹倒峰坳全見骨翻栖已逞芒履便捫樹最恐陰  
崖滑高軒紺宇何王宮英靈千載真雄風伏波將  
軍遺跡在五溪荒徼開蠶叢飛鳶仰視使心惻蕙  
苾招謗畱疑踪人生萬事幾更易年華一去真無  
迹憶侍先公南去時泊舟此地羈遊客屈指驚過  
十二春投荒依舊泣孤臣鶯花識我非生客山水  
逢渠是故人

溪上

溪上人家烟似沐柴門正傍清江曲溪樹從遮十

畝陰泉聲直下千尋瀑老翁午臥聽鳴雞稚子暮  
歸驅宿鷺悠然野意無人知一縷炊烟燃楚竹前  
村又有醉漁來搖碎清江萬寒玉

白龍岩放歌

岩在浦市  
下三十里

山行六七日乃到白龍岩白龍岩高八百三十有  
七丈屹然特立青霄碧漢虛無間傍岩怪石百千  
箇眠立欹正仰伏乎其間雜以僵藤并禿樹有若  
猛虎背痒揩枯杉其陽絕壁直下視神工鬼斧何  
年劈削相雕劖中有石罅三五點苔破銀屏千尺  
恍視一一珍珠嵌想當日月東生西沒陰崖陽壑

終古相吞銜飲猿欲下畏徑滑野鶴乍起憂峰嶮  
矧是人生血肉苦凡體安能牽蘿躡石行追扳我  
今南行當五月溽暑伏喘舴艋無容顏乍行忽覺  
涼滿體泊舟正值山之灣舟人相告昔年茲山白  
龍出其時風雨大作崩崖踏谷雲殷殷至今山巔  
削空際隱有鱗爪相迴環君來適值日當午早晚  
每苦烟霧偏箝關龍乎龍乎胡不在洞庭震澤之  
淵嵩高太華之山爲霖潤物遍九有垂鱗下土羣  
躋攀胡爲踪跡落荒徼千古遺事傳溪蠻毋迺失  
職違其用長雜樗櫟埋荆管我來題詠最快事濡

髮潑墨汗衣衫溪流峻急不可住相與策策騎風  
帆

辰溪縣對江碧水丹山

沿江六百里奇景歷可數幽澗莫畱題怪險豈堪  
撫所以五溪雄滅沒蠻夸伍茲山突兀觀倒影插  
天宇旋峰每若置層巔忽如俯藤蘿千尺榦合抱  
疑臥虎大者通橋梁小者垂絲縷中間石罅裂迸  
出千牛乳陰涼清高原清冽下峒戶遊崖稍平處  
奮筆掀神斧丹山碧水字刻畫如勁弩逼削倒成  
龕下宜息篙櫓明霞杳天際恍若疑風雨會當劖

黃精旦夕生毛羽

自辰溪南行峭壁夾峙怪詭屢出卽事有紀  
勞生無百年幾見好山水眼光混市朝紛紛厭紅  
紫兩年走京師比屋堆馬矢夏初開溝渠積穢路  
傍委垂鞭偶然出霾風排土壘鼻口旣屏息耳目  
復塵眯嚶嚶勃谿聲日夜鬪唇齒棄之歸故鄉水  
明差足喜地衍盡平疇絕少山秀峙別時當春和  
歲月忽彈指蠻天聊薄仕僻陋實可鄙武陵前買  
舟窄小不容几晨興但趺坐夜臥亦偏倚獨喜山  
川奇綿亘千餘里或連如蛇蜷或特如鳥起或廓

開晴霞或密垂文綺或看雲溶溶或同烟瀾瀾或  
飛疑瘦蛟或伏同猛兕積翠猶縮鬢縈青亦垂珥  
高巒插千丈微徑僅一指巖幽石髮長根露松鱗  
死山薑雨浥花怪柏風落子倒懸黃絲桃飄入清  
溪裏清溪水如黛一篙綠見底譬如琉璃瓶映帶  
繪圖美最好春鳥鳴睨皖嚼宮徵間以柔櫓聲漉  
漉亦入耳方壺蓬海觀卽此爲止矣吾方策芒鞋  
壯遊從此始歸當告畊烟長圖須十紙

畊烟散人虞  
山石谷子也

鷓鴣灘紀事

頽垣秃樹茅屋破有一老翁獨趺坐問翁年紀今

幾何頭白齒童何所作  
答言蹉跎七十強  
屢遭喪亂形神傷  
避兵直上猿栖穴  
運餉常過犴子鄉  
十二年來兵革少  
結茅此地還草草  
山田地瘠常苦  
畊十有九旱一  
卽潦兩兒四孫食  
指繁一歲勤種  
多無存官租徵  
罷尚不足促夫僱  
馬還來村前年  
又下文量示索雞  
呼酒盈差吏叢巖  
密箐皆不遺  
競以報多爲上計  
我家薄地三五區  
頻年水旱都  
荒蕪今歲計畝又  
盈倍拳械不敢留  
錙銖大兒勤  
耕無力作小兒  
差夫赴官約幼孫  
門東方叫號瓶  
中無米將誰索  
老翁七十還何求  
夜夢不免追呼

憂吏來又要報荒產  
長令欲訴門無由  
我聞此言心甚惻  
青山向我愁何結  
老翁老翁慎勿言  
保爾童穉兼丘園  
前年秦隴大饑饉  
詔書日下行蠲賑  
此地曾經戰伐餘  
何人早上鄭監圖  
朝廷雅重汲內史  
君等勿爲桑大夫

江行四首

選三

春山綠透萬株松  
碧水澄虛動遠空  
忽訝前行迷去路  
青峰迴抱一溪通

水滿平篙鶯亂啼  
翩翩風帽夕陽西  
山花結子千枝好  
野草如花一色齊

草屋江流五月寒家家伐木委江干前山何處來  
風雨送上高高夾板灘

觀象歌

山郡譁言去觀象排頭競進如列仗西關西頭六  
象來千人萬人齊劃開一疋屹立一疋啣一團青  
花旋風色三疋俯領如翻鴻全身滅沒清波中最  
後一疋更矯健其勢欲動馮夷宮烟蹄霧鬣最超  
絕鼻長捲波波似雪江豚舞浪常祈風吳牛伏喘  
因愁熱黃鬚奚官爾何人綠鞵錦鞞穩稱身論車  
載米兼載酒

象食米少許  
時飲以酒

計船輸料還輸薪須臾率

向縣庭去詬爾橫將公事誤鞭撻吏卒其誰何  
粹頭壓項一何怒嗚呼聖朝儉德柔遠人不寶方物  
惟仁親竊聞騶虞麟趾在靈囿象兮象兮爾獨何  
為萬里朝闕飛京塵

發相見坡

兩兩層崖相見生前峰纔過後峰迎石全露骨山  
無樹正是蠻鄉第一程

華巖洞

相見既崢嶸華巖亦深厚遠觀擬古刹近視乃林  
藪何人臥石龕開闢此戶牖黔山頑可憎誰為一

一剖高者皆嶙峋下者非老醜初疑蛟龍潛偶然  
脫械杻手搖勢欲翔語激聲恐吼洞中佛生成窄  
地窪而黝舉火欲燭視奇險竟何有蟻攢空洞腹  
兔缺砢研口巖前石最橫環顧跳而走我生非猿  
獠安能攀絕陡俯視巖下碑何須問誰某今人不  
逮古擊破供揮帚人生所作達奚必金印肘意欲  
脫鞋鞵商量覓村酒先汲千滴泉洗我塵十斗

飛雲巖

白雲本在天有時亦在地茲山獨鍾靈——滴空  
翠何時雲蓬蓬隨風作位置方知天公幻真以此

為戲上有層巖高依巖下為寺軒軒蹲虎豹昂昂  
舞犀兕蛟龍欲鼓鬣鸞鳳半垂翅或如跛立人或  
似渴奔驥天吳倒欲懸仙人晝方睡要皆逼肖形  
幻意隨所寄輸班詎斧鑿雷火假爐錘佛力坐靜  
鎮光中發大智可惜景象奇落此蠻土異此亦雲  
無心失足偶然墜旁立十數碑乍閱莫能識海昌  
中丞公開疆列旌幟其時甫開定安民不苦吏後  
來安邊者罕能曉此意今觀飛雲碣言外有餘思  
遍覓文成碑蘚蝕十三四僕夫告日暮姑且停征  
騎攀蘿仄不嫌捫石險寧避他年得東歸愛此真

癖嗜再撫髯龍碑重讀月潭記

黎峨道中和田綸霞司寇壁間韻

悵望因微祿非緣山水奇嶺雲昏似夢瘴雨細如  
絲石阻麻哈水楓青羅鬼祠搖鞭指前路一任馬  
行遲

點夫行

夜投龍里縣喧呼問點夫三戶成一舖五舖當一  
隅遠者來百里近者沿山居排催保仍押弟去兄  
相扶奔疲面目黑負背形神枯水深泥沒踝衣破  
肩無膚苦情不敢說欲語先嗚嗚自從寅卯後寇

賊盈村閭毀廬委榛莽殺人棄土苴十室九死竄  
一日千征輸官軍從東來逐賊如驅雛畋漁本民  
命幸者殍爲奴承平十四年稍稍聚子孤哀鴻始  
來集僵榦行將敷前歲忽時變蠢爾倏負隅山邑  
大騷動鞭撻紛街衢自此供億苦從朝抵日晡或  
歌采菽什或征皇華車或宣揚明詔或拜爵遷除  
動輒計千百要不有錙銖今年更太數十日九長  
途山田正插蒔不能把耒鋤夜半打門叫驚走號  
妻孥雞犬飛上屋牽走寧須吏黃塵赤日道烈火  
燒洪爐山高更磽确路遠還崎嶇又聞昨前站死

者非形癯大都舉家竄何苦傷微軀縣官聞亦苦  
終日相奔趨國賦既不足典質無釵楸沿家苦哀  
諭閉戶如視膜出財用民力民困其無如黽勉存  
喘息恐亦淪溝渠我聞斯言苦太息長歎吁用一  
緩其二昔人言非誣子來不終日此獨非民歟觀  
風知大槩所係非區區何人鄭監門上書復繪圖  
報汝慎勿嗟聖澤常涵濡九重念民瘼今歲還蠲  
租

夜觀燒山

冬十二月朔風狂南山北山秋草荒黃蘆苦竹啼

頽牆行人白晝迷無光干霄蔽日多修篁誰何秉  
令司南方火雲百丈驚飛揚始焉一二星成行乍  
隱乍見光微茫忽焉彗孛躔天長弧矢夜落奔天  
狼旗蝥十丈光焰芒誤疑占者稱妖祥丞相火城  
晨夜張牛車啞啞紫步障天風吹蕩隨低昂驚走  
虎豹眠牛羊山精木魅潛逃亡怪狀聞如失林麀  
烏鵲驚起還棲藏繞枝三匝長相望昔日寅卯干  
戈攘殺人流血干戰場舉烽不至諸侯彊可憐一  
炬焚咸陽征南將軍誰爲良火牛列陣窺堂堂一  
夫荷戟干莫當如何博塞旋相償聖朝柔遠蠲輸



糧隆冬時值燒山荒十日晝夜傳輝煌火龍燭天  
朝天閭榛莽灌櫟咸天殤其中恐有千年樟扶疎  
枝幹凌雪霜待時藏器需棟梁一朝烈火炎崑岡  
玉石不辨聞摧傷重爲告曰火師火師南山酋萃  
枝龍蔥火勢猛兮風爲從古來爨下畱枯桐志士  
汲引將毋同

四十八灣箐二百字

出箐山嶙峋入箐雨蕭屑出箐復入箐氣象倏明  
滅初行踏石磴漸下見洞穴徑微轉幽邃巖秀每  
曲折層巒靜如拱宰木環若列卑枝最蚴蟻接葉

復締結蒼龍根伏蟠年深化老鐵上有千年柯奇  
峰與頽頽天風力排蕩日鬪竟僵折根依南山空  
枝壓北山缺金鰲負成橋恍若虹螭嶮下臨百丈  
谿行者定駭絕澗泉聲琮琤石上響嗚咽蘚苔春  
沮洳水渚淺清冽石髮雲浸長樹腹水吞嚙淵藏  
千年冰岸積六月雪仄徑伏石險惡木禿榦拙不  
辭人力疲翻慮我馬劣行行復何盡去去擬何輟  
入山恐不深惜哉聽蠻鳩

索夫謠

蠻天怪事無不有官票呼夫類呼狗蠻天郵政何

可常官符驅馬如驅羊黔山酋率高滇嶺崢嶸起  
中畱一絲路相距二千里裸苗叛服由前朝置軍  
設衛烟氛消我朝威德莫八極改立郡邑紛官  
寮租庸輕末地甌脫歲輸金帑連車鑣強臥山城  
獨無事常脫冠服隨畊樵誰知一事更瑣細頭銜  
夫長兼廩吏前差猶未行後使復相繼短衣匹馬  
何其雄手持旗布三尺紅傳聞一片使差至奔走  
婦女號兒童翻身下岡三十里疾若過鳥追颺風  
入門大吼震山谷呼雞盈盤酒盈斛從奴十人靺  
鞨裝列坐彈箏并吹竹明朝清曉將出門輿騎雜

沓闐城闐餘威鞭馬復鞭卒背似土牛著鞭裂泣  
言去歲當農忙肩挑背運走且僵石田磽确不得  
種日日採蕨充餽糧君今輜重計盈百十步九頓  
還踖踏送君前行免鞭撻後來又有軍門差

普安燈詞六首

選二

馬戶三家萬疊山十年正曆自朝頒新年又少催  
夫檄便覺昇平氣象閒  
蠻娘曳袖採春雲窄袖長衫窄地裙唱遍秧歌余  
自解蠻方應不媿參軍

余自入蠻荒以來茹蔬斷酒幾同枯禪乙亥

十月有事赴新城飲於寮友寓廬沈酣大醉  
歸時獨倚僧樓千山翠黛萬壑笙簫倚欄孤  
坐回想昔時舊遊何地香山夜聽琵琶始知  
有遷謫意余今日乃知身在蠻方也醉中成  
十二截句詞無倫次見者當不於章法求工  
也十月望後一日識選一

荒齋三首

荒齋十笏地獨踞萬峰首重簾畱烟雲一榻在郊

數日長九勝年城小直似斗官舍接田家相熟到  
雞狗高枕看閒雲結夏作禪友殷勤來青山窈窕  
當戶牖嵌空鋪翠鈿著色雜粉黝崇朝倏然化慘  
澹繪妍醜雨晴風露間變幻隨所有誰施屏幃工  
此真白描手

山中多夜雨滴瀝鳴空庭曉來矯首看四山暈螺  
青愛我菜甲長小摘餘芳馨蔬食快得飽陶然坐  
雲屏溪聲到枕上颼颼松風聽大小兩龍窟足底  
千雷霆一瀉萬頃空快哉如建瓴

牆東有隙地荆管瓦礫積俯首荷耰鋤得此五弓

闢南隣有麗春紛紛間朱白乞分五色種翦縷比  
紈帛初日照殷紅殘霞映浮碧閒時列酒茗坐臥  
兼枕席遂可忘窮年豈止破蕭摵三更持燭遊早  
起獨吟惜今年姑小試紛然滿籬格來春擴西偏  
爛熳補牆缺回想今春花吟詩又成迹

黔陽雜詠八首 選二

四合山光翠欲浮晚來嵐氣倏如秋高坡插漢從  
無樹細水名江不載舟  
排日雞豚趁集墟蜀鹽似雪芼青蔬市區米價如  
珠貴閒費先生乞米書

舟泊富家基

朝發龍陽洲暮宿富家基富家基上神廟在和風  
颯颯吹靈旗萬年砥柱賴庥力千里一氣吞坤維  
入門畏敬起肅穆終古廟食陳牲犧神鴉盤空攫  
肉去紙錢撒雨空中飛舟子祈風前致語私願安  
可邀神許東西南北本分定譬若窮通亦天主我  
生任運天所憐萬里北來到南楚且呼舟子整檣  
篷會見天末雲蓬蓬咫尺風雲隨所變裊裊萬里  
來南風帆索已整篷腹飽回看船尾紅霞紅

五月二十五日洞庭湖看夕照歌

我官于黔如秋蟲啼吟只在空山中五年誅茅附  
山麓日月出沒迷西東羊腸一綫置郵傳崇嶺夾  
峙真蠶叢竭來東還泛雲水快攜琴鶴依檣篷五  
溪雷霆走蛟兕洞庭烟雨迷空濛晚來棹謳間柔  
櫓搖碎碧色干玲瓏長風驅雲雲冒水飄浮亂絮  
旋消融須臾日影落空際欲落不落天垂容驪珠  
吞吐碧濤上光照貝闕懸珠宮歸雲萬點雜濃淡  
通體盡被晴霞烘此時波紋若鱗密千里碧浪磨  
青銅烟橫天際偏冉冉草積洲畔何茸茸明霞一  
點光四映恍若絳蠟燒簾櫳倚舷狂叫大奇絕長

吟或恐驚蛟龍陶然一斗吾竟醉夢御列子飄然  
風

放魚行

雨洗朝爽湖氣清漁艇掀舞如葉輕魚蠻載魚來  
易米艙底潑潑羣堆銀小魚垂頭皆戢戢大者崛  
強如有神就中騰飛惟赤鯉持魚轉向清波裏翻  
身一動千金鱗日照烟波浩瀾瀾君不見萬頃澄  
湖暮景闌蒼然一抹碧波寒掉頭咫尺風雷異好  
去相忘湖海寬

出洞庭湖舟泊揚鈴磯

武陵岳陽湖面隔掛帆一瞬萬頃碧湘草濃添螺  
影青雪山高捲雲衣白長風頃刻倏西東笑指行  
程祇晨夕我生百險滯空山行歌蜀路空長歎風  
來北頭雲色惡飛櫓力敵千雲盤出湖七日荷神  
力石尤又阻聊暫息當頭羨殺上行船官舫峨峨  
影接連魚苗薪船亦趁意似欲乘流竟上天一朝  
風便蒲帆起長嘯雲山幾千里逆來莫怨順莫驕  
世事乘除盡如此

江夏贈沔陽牧晉次公二首

選一

黃鶴磯頭泛楚雲戟門清晝忽逢君五年離緒關

山隔六月江聲草閣聞吏治本從經術出詩名不

爲職官分

香山詩官職  
聲名俱入手

元龍意氣還如昨容易持杯

又夕曛

江左十五子詩選卷七

江左十五子詩選卷八目次

商丘宋

犖牧仲選

毗陵邵長蘅子湘訂

商丘宋韋金經一校

吳士玉

含清亭賞芍藥用梅聖俞楊樂道畱飲置

芍藥韻奉和宋中丞漫堂先生邵子湘

馮山公同賦

延熹華嶽廟碑歌

初夏偶成

過永城

渡江

歸家一絕

春日遊滄浪亭觀牡丹聽無絃上人琴

山言招同山公含清亭夜酌依韻奉和

復同諸公含清亭夜酌仍用前韻簡山言

題王石谷還山圖

楊子鶴自圖小影衣白冠赤戲為短歌

暑熱喜雨

奉和漫堂先生舟次仙女廟原韻

玉帶生歌奉和漫堂先生

有序

松花江綠石研歌

石屏歌為商丘先生賦

奉和中丞公東坡先生生日詩同馮山公

汪武曹右衡韓祖語張日容天申顧俠

君暨令子山言作

上韓宗伯慕廬先生廿四韻

雨中遊西湖

飛來峰

冷泉亭夜坐

上弢光望錢唐江

使院二鳥行

鶴  
孔雀

贈邵丈子湘

鶴浴

擬寶劍篇

畱睢州李牟山讀書查山同日容作



書所見

二月朔日查山探梅集六浮閣余以事阻

追賦限灰韻

詠史同日容牟山俠君分賦得宋書四首

納涼

鳳尾蕉

余作鳳尾蕉詩既而見山公山言兩作標

新鬪異爽然自失復拈近體二百字質

諸兩賢敢曰濟師真成績尾

夢青門有作

西陵行

夢覺

冬日遊澄江鵝鼻觜

江左十五子詩選卷八目次

江左十五子詩選卷八

吳士玉

荆山吳縣人  
著有吹劍集

含清亭賞芍藥用梅聖俞楊樂道畱飲置芍  
藥韻奉和宋中丞漫堂先生邵子湘馮山公  
同賦

使院饒名花奇種來東洛牡丹最超羣驂驪乃芍  
藥入夏畱餘春窈窕殿羣萼明公步履來賓從攜  
蓮幕風迎香冉冉日照光灼灼公言故園中此花  
如繡錯大者盈一尺瓊彝玉槃托其餘復善幻五  
色紛綽約高下滋百畝本本垂瓔珞折來插作屏

步障季倫若花時相經過朋好襍歌号侯生朝不

羈人賈子靜徐恭亦落拓徑造花下醉灌漏填巨壑

雪苑風流盛俛仰猶如昨公劇談梁園花事之盛友朋之樂四座聽公

語興酣添杯酌把火繞露叢妍姿倍冉嫻憐此婪

尾春感彼都官作公詩發高倡邵馮鬪奇博逡巡

怯大敵坐令小巫卻一鼓偶試手敲音還自作

### 延熹華嶽廟碑歌

華碑漢隸推第一芒奪少昊金天晶東追嶧碑南

峒嶠光價鼎立齊崢嶸商丘先生雅好古得此善

本識鑿精紙新字完少缺畫僅缺十嗟余一見心魂

六字

驚此碑刻自弘農守袁逢孫璆接迹勞經營延熹

八年斗建巳月廿九日告厥成郭香察書紛聚訟

古碑謂不署姓名或云中郎亦罕據筆蹤驚絕要

莫京虎螭攫拏鳳飄舉長翎修鬣摩鵬鯨規連珠

樹矩洩玉方流圓折隨縱橫按以隸法兼衆妙欲

名一體誠難評祖禰上遡籀斯派苗裔下傳潮陽

冰熹平石經尚晚出堪與追逐稱弟兄桓靈敗德

不足數摩挲墨妙聊娛情吾聞太華削成五千仞

河神手劈垠崖崩雲泉天磴閱金液乘龍戲博多

仙靈此碑歷千五百載呵護應煩敕六丁有明嘉

靖遭培棄可惜神物歸杳冥成毀相因固其理世  
事反覆誰能憑不見嶧山之碑焚野火响嶺迹祕  
涕泗零公得此本真希有一字便足輕連城

初夏偶成

宋玉悲秋恨搖落退之三賦感春作騷人慘戚寧  
非癡咄哉韓公亦浪悲皇天成四時平分本不頗  
有時流金鑠石蒸肌骨頊冥逃威懼謹何俄而雪  
飛層冰凍膠折炎融不得相噓呵六子變化交摩  
盪羲和鞭日如飛梭小人縱多寒暑怨冬夏曾不  
少差訛況乃佳日春秋多冰炭結腸理則那春日

固云佳春去亦不惡孟夏扶疎繞屋深好風隨雨  
飄簾幕我生遼遼千載外悠然想見羲皇樂

過永城

鬱蒸炎風盛吹我北遊梁行行苦觸熱荒野赤日  
長欲渴無深樾揮汗徒翻漿蕭條千餘里但見塵  
沙黃朝入永城路樹木何蒼蒼槐陰四合匝森如  
翠幕張行人雜坐臥夾岸多垂楊棗花半飄零野  
風送清香驅車長堤上溽暑疑秋涼平生足幽興  
况喜熱惱忘公子出秀句清泠洗肝腸

時與宋山言同  
行山言有句云

棗花零亂槐陰合  
一路清香過永城

晚就茅檐歇月林延幽光濁醪相對

飲談笑傾壺觴謂達商丘城不過兩日強嘉樹蔭  
隋堤幸免道暘傷悠悠半月程庶得休行裝

### 渡江

大江寂無風千里平如鏡早發自瓜洲時當冬之  
孟篙師歡理楫一葉中流榜浮玉湧我前崒律樓  
觀盛白日絢朱甍金碧晨妝艷焦山峙其東縹緲  
煙鬟淨澹濃各有態妍媸敢輕評譬彼肥瘦殊玉  
環飛燕並兩峰余所慕夙昔寄孤興惜爲物累迫  
探歷期未定恬波漾鞞文棹謳清可聽須臾抵京  
口及此風浪靜回首澄練空朝霞閃餘映

### 歸家一絕

役役謀身拙入門生事微慰情何處是弱女笑牽  
衣

### 春日遊滄浪亭觀牡丹聽無絃上人琴

曉風吹宿霧晴光搖蔚藍煙草萋正碧呢喃燕舞  
檐花事逢穀雨幽興追城南散步向滄浪同遊客  
二三水邊映紅妝竹外颺青帘略約度曲折一徑  
登巉巖高亭俯空闊淥淨遙相涵悠然西南望秀  
色挹層嵐逶迤循步碻堂宇肅觀瞻石枰入精舍  
奇葩媚幽岳綺霞深有態皚雪脂粉嫌絕豔如玉

奴卯酒倚半酣傳從洛下來花譜昔未諳斯遊頗  
快意獲陪青門顙子況聞穎師琴能使俗韻砭古  
音發奇弄詩老間清談冷然忘身世欲去還少淹

山言招同山公含清亭夜酌依韻奉和

新篁嘯晚風亭空暑氣薄豔豔月舒波清光漾杯  
酌小坡邀大馮對我展談譔草間蛙吹沸林際螢  
火掠羸衣恣鯨吸那復愁豹脚嶽碑辨香察宿疑  
頓解縛快劍決重雲青天劃開廓山公辨郭香  
察書極精核共賞王  
生詩漢陽王孟穀  
華嶽碑歌移步換丘壑文人騁能事孰肯傍藩  
落臨准入軍壘彩變汾陽郭清新故無窮更促斜

川作語樂苦夜短餘歡寄後約正憶青門翁蓉湖  
風月泊

復同諸公含清亭夜酌仍用前韻簡山言

入暑久不雨永日困熏灼晚來忽翻盆疾風卷簾  
幕虛亭喜夜涼復此傾尊酌緯蕭詩酒英雄陣莫  
敢還我欣值強伴膽勇變怯弱痛飲掉談舌濟河  
舟焚却真味契三昧精言陋糟粕細律究雙聲不  
數冠軍郭坐中烏目翁飲酣正盤礴古來無聲詩  
妙理同所託夜闌喧語笑雨聲時間作閣閣仍亂  
鳴輝輝亦閃爍風物猶前夕酒罷看雨脚

題王石谷還山圖

十年厭蹋軟紅塵去作山中舊隱淪到處風光堪  
入畫夕陽牛背一歸人

拂水煙嵐千萬重耕煙人住最高峰花蹄六尺馳  
歸疾閒放山頭呼作龍

楊子鶴自圖小影衣白冠赤戲為短歌

山人聳鶴骨自寫青田真縞衣翩躩丹頂古攬鏡  
起舞覺有神當今繪事誰絕倫烏目老手耕煙人  
君早入室下筆親黃鶴山樵不可作嗟爾白鶴宜  
為羣昔日楊大年天生鶴翎何繽紛

大年生而  
雀毛徧體

君茲

畫圖無乃是畫師應省識前身

暑熱喜雨

陵天赤日當中央炎光下徹蒸八荒書屋煩懣不  
可當如坐深甌探沸湯平頭搖扇熱不涼流膏爍  
體毒我腸對案何能下箸嘗矯首西望愁日長忽  
然頽雲闇北方飛廉疾驅豐隆忙霹靂轟車推阿  
香天瓢傾倒馬上郎旛底金蛇掣紫光白雨瀉檐  
風走廊瑟瑟涼氣侵空堂抽帙正喜得蒙莊逍遙  
徑入無何鄉斯須雨止雲飛揚明月照地疑清霜

奉和漫堂先生舟次仙女廟原韻

時賑饑  
淮揚

聞道中丞節荒祠遇雨雷水光沈遠岫雲氣擁孤  
舟一望悲鴻雁何能辨馬牛安流仍樂土浩蕩倚  
公憂

玉帶生歌奉和漫堂先生

先生原序云楊鐵崖有七客者之寮以貯所藏  
笛琴管胡琴古甕與研並已爲七六客各錫以  
嘉名而研舊寶於文丞相紫質玉紋所謂玉帶  
生也丞相殉國研歸謝臯羽轉歸鐵崖鐵崖作  
志命門生張憲作玉帶生歌余幸覲奇寶亦贈  
以歌

中丞好古攄幽情示我寶研光晶瑩紫衣通身腰  
橫白云是景炎故物玉帶生曾遊鐵門翻白雪向  
陪臯羽號冬青結契最是文山早揮灑神筆凌霄  
崢銘錫貫珠四十四至今的皜炳日星棊几摩挲  
追往事感槩鬱律何能平或言信國當年初射策  
生也卽隨顧盼趨承明萬言一掃盡龜鑑鐵肝石  
膽生風稜轉瞬煙塵昏瀕洞生同顛齊哀零丁丹  
心磨礪句不滅正氣磅礴歌吞聲天崩地塌壯士  
死但聞西臺擊竹風悲鳴可憐宋社淪海水片石  
迺有神靈憑鼎遷者三載五百貞質不毀堪嗟矜



英英紫玉暈痕透有如白虹貫日昭精誠仰止孔

石孔子遺研陋桑鐵笛管之族豈其朋焦氏秋況出姦相

琴為賈似道故物蘇冀邢混申椒馨彼哉客寮並數七嘈雜

非偶徒虛名豈如我公位置肅左圖右史箋遺經

濡翰端可幹元化作歌雅欲親典型親典型即用公語公歌

突過玉筍作為生寫真垂千齡

### 松花江綠石研歌

松花江水鴨頭綠寶氣熊熊孕綠玉翠蛟飛涎噴

浸足誰探珠宮斲鱗屋片壁截來光眩目元公長

嘯詩興新寶物落手如有神漪漪含風洮州珉玉

堂洗出蠻溪春拂拭試近青玉案青青圓荷跳珠

亂研作卷荷形易水松肪剡溪蔓擘破碧煙初染翰波濤

驚翻埽電光歛穿溟滓接混茫

### 石屏歌為商丘先生賦

羣峰奔雲湧座隅下有煙艇浮江湖是何淋漓足

元氣得非米家海岳圖細看乃是渾成一片石天

然妙迹非人摹昔聞巧匠斲山骨未聞山水粉繪

生石膚若云造物作狡獪卻愁混沌鑿死將何如

萬里煙雲藏咫尺壁開天地超寰區漁舟箇箇齊

盪槳煙波雲岫聊相娛我思米顛工畫兼嗜石整

冠再拜以丈呼石之嶙峋足以壯筆勢畫之奔峭  
與石爭盤紆石癖畫巧兩不減畫畱石上永永成  
形模君不見歐公當年石月屏子美放歌窮虛無  
又不見孤松溟濛石屏上子瞻長句搜根株今公  
茲屏亦奇絕媿無大手如兩蘇

奉和中丞公東坡先生生日詩同馮山公汪  
武曹右衡韓祖語張日容天申顧俠君暨令

子山言作

冬十二月日十九商丘公爲睂山壽異代稱觴神  
所契風流韻事昔未有飄然畫像垂中堂紛紛墨

迹陳左右詩卷新雕並在御箋注完好無瑕垢彝  
器斑斕銀燭光花豨亦薦明棗後莫學各擬奏新  
詩筦鼗不用煩矇眊恍若先生掀顙笑懸河馳騁  
談天口憶昔置酒赤壁磯笛聲寥亮穿林藪連珠  
更和王郎句片片雲腴報瓊玖勝蹟於今七百年  
何異朝昏換卯酉先生身命等韓公三星什伍嗟  
牛斗南箕簸揚不肖停屈指生平多謗咎孤忠排  
蕩激頽波百折不回堅有守嗚呼世事盡浮雲頃  
刻白衣變蒼狗黨錮頻仍何太勞諭諭羣小今在  
否先生風烈儼生存亮節雄文壽永久嗟余小子

生苦晚玉局一編時在手拜公遺貌思執鞭幸陪  
羣彥駿奔走男兒墮地七尺軀立名會須期不朽  
不見小滄浪中笠屐圖茲辰競獻東坡酒

上韓宗伯慕廬先生廿四韻

文乃道之器聖籍慎摯餅曠古起衰手佐佑在六  
經先生今昌黎經心抉杳冥篤志自天獎風流播  
儀刑末學久榛塞古義嗟飄零游談恣剽盜披猖  
蔑先型先生奮袂起倒瀾迴滄溟鼓吹振絕響聳  
俗聒驚霆毛鄭賈孔間一一通精靈菑畚旣饒沃  
峻茂蓀蘭馨鯨鏗發春麗詭蔚翔鳳霏射策經世

務飛步挾天庭敕獻平生業新語奏漢廷每奏必  
稱善天笑空中聆蓮炬分熒煌梅花映矚吟大鏞  
鎮清廟玉衡懸冰廳殊渥日有眷沖抱時靡寧羣  
才屬覆燾萬形竚毒亭小子媿薄劣微光眇秋螢  
前經早茫昧陋不辨豹駝何意折楊曲后夔傾所  
聽纖芥遇靈珀霜鐘感無形願求飛霞珮變化生  
鶴翎韓門追籍湜走僵不敢停

雨中遊西湖

湖光白糝糊雲水氣交眩蕭蕭灑雨足森森滿湖  
面孤艇浮空濛環山疑隱見不復辨修隄况乃尋

曲院西子秀終古天姿澹逾綯

飛來峰

夸蛾移兩山枝憺賈餘勇戲擲天西峰此地忽孤  
聳嵌空立巒岈巉絕駭騰踴怪石怒欲落古藤纏  
若拳青林走長根蒼壁絕纖壅天葩素雪霏瑤草  
翠毛氄周覽窺靈穴幽尋響潛楚竇官光微明足  
滑意彌恐金仙閱精魂石脈滴寒漣初耽射旭暎  
俄見歸雲擁爲我語山靈好護真棲鞏夜來愁騫  
飛風雨正洶湧

冷泉亭夜坐

白蘇去我久潺湲無時歇褰衣弄清泉映手得好  
月幽光翳雲林秀色明石髮初地心緬邈危峰夜  
突兀寂靜非人間形神坐超越泠泠聽未已松際  
鐘聲發

上弢光望錢唐江

拔雲緣危磴邈若陵風飛回首失紺宇聳身但翠  
微連天起古烟萬竹相因依碧色望不盡步步娛  
清暉絕境天可捫訇然開巖扉遂登縹緲樓浩歌  
縱遐睎江光搖空闊潮勢吹裳衣精神忽飛揚八  
極從指揮

使院二鳥行

鶴

芝田仙子餐瑤華飄飄素羽凌紫霞偶然遊戲落  
吳苑空階顧影如含嗟夜寒霜苦煙月白清唳淒  
其響寥闐安得乘風振長翮赤霄靈鳳同所適

孔雀

熱天高燄離重明南客獨稟離火精光彩照耀衆  
眼驚翠弁金尾翹春英矜奇鬪麗無足取莫逐新  
聲妒金縷丹梯安穩陵高步吾爲子起歌都護

贈邵丈子湘

青門先生吾所師詩筆兩絕真瓌奇盛名震耳三  
十載魯靈光殿神扶持布衣之雄文場帥侯朝魏

子不作誰肩隨先生弱齡負壯思鸞鳳墮地非凡

姿長益沈酣討墳典得其精粹遺糟醅追古作者

惟所向撞金擊石相娛嬉中歲騎驢上京輦公卿

折節如等夸文纔脫口已傳衆詞伯避席常嗟咨

掉頭忽去尋海市蓬萊東望騰蛟螭絳闕羣仙渺

何處蒼茫萬里天風吹南抵炎荒度大庾弔古日

落千崖危雪披滕閣寒光廓六月匡頂迎涼颺梅

花好伴孤山隱釣竿欲拂嚴陵磯以上並紀實山水文章

兩勃鬱震奇發秀何黜黜竭來使院俄十春元公  
宿昔同襟期我亦荷公致幕下小才自媿國士知  
先生一見謂可教忘年託契勤箴規曠懷豁達埽  
形迹微言珍重抽肝脾喟息俗學寡根柢花葉妝  
點奚以爲耳傭目儻日凋耗八家秦漢同毛皮詩  
家坐病亦爾爾滔滔浮濫將安歸但辦讀書萬卷  
破萬丈光燄無時衰我聆其語銘佩牢敬奉瓣香  
成歌詩

鶴浴

行飯後園去綠陰滿清池雙鶴浴其間意態何威

遲一鶴初蹋水拍拍以自嬉一鶴浴將罷翻身戲  
漣漪撇捩齊展翮飛瀑濺珠璣頗愁皚皚羽雪消  
隨流澌吾聞鵠之白初不待浴爲鶴今出清水皎  
潔增光儀請君勤灑澡視此皓麗姿

擬寶劍篇

寒銑澈水光溶溶碧琉璃浸金芙蓉電飛出匣風  
襲骨利吹秋豪健刺鐘惟昔采鍛山谿精巨橐洪  
爐役百靈陰陽變合駭五色價殫玉河量金城何  
爲繡澀塵埋久挂壁空聞龍虎吼羞學靈寶巧隨  
人揉絃作鈎不自守又恐秦客難邂逅誤辱纖兒

割炙手一麾儵忽銷三軍斷犀截蛟安足云願騰  
青霄決浮雲不然躍去歸延津

留睢州李年山讀書查山同日容作

李君逸氣何軒軒孤翮怒起不可樊我初識君自  
匠門傾蓋便欲通篋壘匠門歎君得淵源厥派疏  
鑿出大賢謂湯潛菴先生泓涵演迤浩無垠試探其有嗟誠

然恨不晨夕親磨研解手與我期梁園時當秋賦  
黃槐繇薄遊聊從壁上觀鄉曲之英藹雲屯睢陽

公子盡雛鷓謂潛菴諸嗣君論交慷慨今不諼萍蓬聚散須

臾間君蹶霜蹄返故山余亦辭君理南轅匠門文

壇豎赤旛邀朋選勝凌蒼煙查山臨湖湖水翻六  
浮飛閣山之巔下視萬本梅花環茫茫香雪鋪平  
原諸公倡酬駢琅玕思子不見心愴煩翩然來遊  
伸別顏獨憐春去難追攀要賦楚些招梅魂君勿  
惆悵聽我言山光水色日相鮮檻前不盡寒濤噴  
朱炎燒夏得洗湔疏涼空宇窺遺編有時高枕聞  
風湍無爲赤日趨黃塵請君於此窮朝昏

書所見

天東雌霓入橫天起連蜷滅沒黃雲裏黃雲沈沈  
蔽天黑暴雨從風齊萬矢西邊殘陽已穿漏雲外

碧天碧於水雨脚乍歇雲氣亂金光瀕洞間赤紫  
萬態瞬息無停姿人世變幻盡如此

二月朔日查山探梅集六浮閣余以事阻追

賦限灰韻

查山春風動雪綻無邊梅四望迷遠近璀璨以皚  
皚湖光接浩淼倒射花光回我雖身未到搜覽迹  
頗該況披諸公作宛在山水隈山中佳主人延客  
娛清杯小閣踞要領名自檀園來檀園昔詩老杖  
策屢徘徊於此詫絕勝謂可臥蒼苔瞰臨三萬頃  
奔濤吼風雷有時浴落日帆影懸孤桅西偏六芙

蕖朶朶波面開嘉名錫六浮結構初胚胎固宜天

乞去

與詩本供穿裁奈何抱虛願煙雨埋荒萊但

乏十千錢廿載成摧頽繪圖託浩想憑弔令人哀

所以長蘆翁三命窮根芟

說見朱竹垞先生六浮閣記

安知畫中景

到今卜築纔彥會當美日夾鐘始吹灰幽香渾必

第險韻頻敲推鄙夫媿羈束不得相追陪達言附

湔喜免爲山靈哈清心詣妙境蹋屐何煩哉

說見武曹六浮

閣考

詠史同日容牟山俠君分賦得宋書四首

永嘉昔喪亂區宇遂豆分過江更十葉字星掩頽



曠宋武龍虎姿徒步清妖氛絕岸奮長刀旂折氣  
益振入峴運神算威敵駭參軍長驅向河洛電掃  
收咸秦百年覩衣冠父老涕霑巾宮殿公家宅十  
陵公家墳謂公好鎮撫坐令四海賓惜哉志九錫  
棄去不復論天未混南北茫茫逮梁陳

盤龍旣夸滅諸葛付丁昨菹醢悲太頻韓彭亦自  
取回首草昧初功名竟何許獨有何司空握節效  
蘇武

桓桓檀江州猛銳無當對倡籌夜量沙智略復誰  
逮強敵心膽裂圖形卻鬼怪投憤憐浮鳩哀歌足

感喟志小本易馴顧命言猶在孰云仲達儔枉罹  
彭城害韓盧烹何急狡兔滿郊外惡鳥飛擇肉破  
弓乃自快蒼皇石頭城始悟長城壞

文帝縱驕貴寵偏殺車子泣誓初寧陵卒負會稽  
姊隙端啟後人骨月競芟薙泰始益猜忍誅鉏日  
不已建安濟艱危勲誠夙所倚一朝被冤濫應作

蘇兄恥

明帝幽囚時與蘇侯神結爲兄弟以祈福助  
及事平與建安王書曰此段殊得蘇兄神力

葛藟庇本根

磐石固基陟洪支翦落盡那不就傾圮吁嗟炎劉  
祚蕭公迺了此

納涼

夜深遲月上坐見火西流遙風來天末庭樹鳴颼  
颼晝日何鬱燠俯仰驚涼秋急疾兩跳丸晷景無  
停畱殘魄涌林樾煙光濕不收百蟲影響絕客心  
逾清幽誰家洞簫聲嫋嫋牆東頭

鳳尾蕉

鳳尾蕉奇幹孤挺鬪鬢綠髮葉攢頂葉長縷細巧  
翦裁如籬倒披毛緯整鳳尾象緯幹纔三尺圍倍拱蒼皮  
剝落苔生癭來從炎窟帶蠻霧歲久色菸質更瘠  
火燒赤鐵飛霹靂奮椎一一流脂凝上頓若甘霖  
沃燠焦翠氣氤氳生意醒抽條檐檐形張王並擢去

本亭亭勢騰猛萬木麗土欣水灌飲金茹火理未  
省吐燄吞刀聞戲劇草樹詎解此幻景貊獸餐鐵  
鼯食火物性不齊固所秉君不見火木鐵樹俱怪  
珍甘蕉參天那許並

余作鳳尾蕉詩既而見山公山言兩作標新  
鬪異爽然自失復拈近體二百字質諸兩賢  
敢曰濟師真成績尾

何處碧鸞凰臨風翠尾颺卻驚蕉葉碎幻出鳳毛  
長肅肅雞翹插團團孔蓋張豪珠欲鬪彩毳緯恍  
舒芒一縷應含燠千金未易償用青鳳毛事已從青雪染

還向綠天翔甘結同迎露鮮披並傲霜孤根離瘴  
土瑰性尚炎荒商鞅鑽誠詭阿奴策竟良鐵成竹  
實脆燄作醴泉涼刺灼彗星點敷榮大澤滂歲黠  
發翰藻蔥蒨奪顛蒼軟豈仙壇桂高殊羽葆桑雉  
頭矜竹化燕尾恹蘭芳曳武脩脩整羅文薄薄香  
離徒平黏雨片掀舞鑑池光誇夥銘無謂搜奇興  
欲狂埋金刮月窟山公徵埋  
鐵事殊奧飽火吐雲章山言有飽  
火句特奇接  
軫爭妍麗先驅畏簸揚技窮蛇畫足醪醖可容嘗

夢青門有作

昨夜秋風起吹夢入蓉湖蓉湖未相識明滅秋光

殊寒波澹煙樹素氣橫幽廬幽人笑握手與我講  
玄虛相別春方華相思今乍攄覺來倍怊悵涼月  
明前除

西陵行

西陵古樹煙冥冥爵臺哀吹誰其聆總帳飄空脯  
酒馨一時腸斷千娉婷呢呢香組勞丁寧裘紱散  
盡目不暝蓋世明略竟何有纏緜齷齪空涕零君  
不聞永安蒼黃宮車停玉几末命皆箴銘手握嗣  
子付丞相煨煨大計光日星西陵有知顛應泚使  
君英雄曷敢比

夢覺

夢覺聞殘漏幽懷正耿耿暗戶一螢流光拂羅幃  
冷

冬日遊澄江鵝鼻背

懸崖崒兀臨江東亂石騰擲江水中我來正值寒  
日落欲落不落江波紅初從城北覓細路板橋危  
度攀枯松君山荒淺少意思笑指絕境吾能窮迢  
迢江濱溯雲嶠遂踞虎豹登虯龍前躡孤根最嶮  
絕繞脚三面洪濤春江豚出沒戲左右長空浩浩  
驅天風仰天長嘯俯啜水溟渤萬頃吞於曾是時

金光閃江面輪囷怪影搖沖融遠帆幾點帶暝色  
去鳥滅盡餘空濛江月促我蹋歸徑滿山霜氣迷  
行蹤

江左十五子詩選卷八

五十五十

計

全夫... 面... 計... 山...

